

四庫全書

史部

欽定四庫全書

史記索隱卷二十

唐 司馬貞 撰

范雎蔡澤列傳十九

魏中大夫

按漢書百官表中大夫秦官此魏有中大夫蓋古官也

須賈

須姓賈名也須氏蓋

竊須

為魏昭王使

按世本昭王名邀襄王之子也

齊襄王

名法章

摺齒

上對

答反謂打折其脅而又折其齒

卷以簣

簣謂箬荻之薄也用之以裹尸也

更溺范雎

更音

羹溺即澠也溺音年

三亭之南

按三亭亭名在魏境之邊道亭也今無其處一

云魏之郊境總有三亭皆祖餞之處按地理志京

與期三亭之南蓋送餞已畢無人處兆有湖縣本

名胡武帝更名湖

惡內諸侯客

內音幽亦如字

忘索之

索猶搜也音反舍食草具謂亦舍之而食以下客之具

侯華陽君

穰侯謂魏冉宜太后之異父弟穰縣在南陽

君是明主立政按戰國策當樁質樁音陟林反按樁者

腰斬者當制榮即上之擅而不概於王心

按戰國策概作闕謂闕涉亡猶輕注一云使持

車戰國策竊閔然不敏鄉誕本作惛然音昏又云莫不

之文也

竊閔然不敏

一作閔音敏閔猶昏闇也

莫不

灑然變色

鄭玄曰灑然肅敬之貌也

秦王跽

音其紀反跽者長跪兩膝枝地

漆身為

厲

音賴癩病也言漆塗身生瘡如病癩

至於陵水

劉氏云陵水即粟水也按陵粟聲相近故感也

下惑姦臣之態

按態謂姦臣諂詐之志也

恩先生

及注涸字並胡因反恩猶汨亂之意

施韓盧而搏蹇兔

戰國策云韓盧者天下之壯犬也是韓呼盧為犬謂施韓盧而搏蹇兔以

喻秦強言取諸侯之易

文子為之

謂田文即孟嘗君也猶戰國策謂田盼田嬰為盼子嬰子然也

借賊兵

上子夜反一作藉字音亦同上

而齎盜糧

上音側奚反言為盜齎糧也

擊斷

無諱

無諱猶無畏也

弊御於諸侯

按弊者斷也御制也言穰侯執權以制御主斷於諸侯也

崔杼淖齒管齊

淖姓也音泥教反漢有淖姬是也高誘曰管與也言二人與齊權而行弑逆也

射王股擢王筋

按言射王股誤也崔杼射齊王之股封

范睢於應

按劉氏云河東臨晉縣有應亭即秦地有應也又按本紀以應為太后養地解者云在潁

川之應鄉
未知孰是
孺子

劉氏云蓋謂以綈袍賜之按綈厚繒也音啼蓋今之

絕
睚眦之怨

睚音崖賣反眦音士賣反又音崖韓少曲

按蘇云起少曲一日而斷太行

貴而為交者為賤也上

故劉氏以為蓋在太行西南

秦攻韓汾陘

音

音如字下為音于偽反以言富貴而結

因城河上

劉氏云此河上蓋近河之馬

服子

趙括之號也故虞喜志林云馬兵代廉頗鄒氏音

之首也號曰馬服者言能服馬也

注徐云五十年

據泰本紀年號表而知之也

激厲

上音擊

從唐舉相

荀卿

書作唐莒

持國秉

按左傳國子實執齊秉服虔曰秉權柄

曷鼻巨肩

曷鼻謂鼻如蝸蟲也

巨肩謂巨肩於項也蓋項低而肩豎

注一作偈

音其例反

魑顏蹙羈

上魑音猗回反魑顏

謂顏貌魑回若魑梧然也羈音烏曷反蹙羈謂鼻蹙眉

膝擥

謂兩膝又擥曲也

持梁

謂飯梁米

飯而持其

刺齒肥

按刺齒二字字誤當為齧字也齧肥謂食肥肉也

釜鬲

父音歷

注款足謂之鬲

款者空也言其足中空也空足是曲足云見爾雅郭氏云鼎曲脚也按以款訓

曲故云曲脚也

以其君父為僂辱

言以此于子胥申生皆以至忠孝而見誅放故天下言為

其君父之所僂而憐其臣子也

批患折難

上白結反又音豐難反批患謂擊而却之折音之列反

夏育太史噉叱呼駭三軍

二人勇者夏育賁育也噉音皎

而身死庸夫

按高誘云夏育為田搏所殺熊太史噉也未知為誰所殺恐非齊襄王時太史也

入邑

劉氏云入猶充也謂

招攜離散充滿城邑

信而不能詘

謂上信音申下詘音屈謂志已展而不退

或欲大投

或欲分功

言夫博奕或欲大投其瓊以致勝或欲分功者謂觀其勢弱則投地而分功以遠救也事

具爾雅也

注博縣於枰不必在行

枰方言云所以投博謂之枰音平局也

二子不

困厄惡能激乎

二子范雎蔡澤也雎厄於魏齊折脅摺齒澤困於趙被逐棄隔是也惡音烏激

音擊也

樂毅列傳第二十

魏文侯封樂羊以靈壽

地理志常山有靈壽縣中山桓公所都也

中山復國

中山魏雖滅之尚不絕祀故後更復國至趙武靈王又滅之也

楚相唐昧

莫葛反

於重丘

地理志縣名屬平原於觀津

地理志觀津縣名屬信都漢初屬清河也

令趙啗說秦

上

音田濫反字與咼字同也

并護

護謂總領之也

封樂毅於昌國

地理志縣名屬齊郡

騎

劫

燕將姓名也

號曰望諸君

望諸澤名在齊蓋趙有之故號焉戰國策望作燕也

寧臺

燕臺也

大呂陳於元英

大呂齊鐘名元英燕宮殿名也

故鼎反于磨室

燕鼎

前輸于齊今反入于磨室磨室亦宮名戰國策作厯室也

薊丘之植植於汶篁

薊丘燕所

都之地也言燕之薊丘所植皆植齊王汶上之竹也徐注非也

以為慊於志

按慊音苦葦反作嘽

不愜其志也

入江而不化

言子胥懷恨故雖投江而神不化猶為波濤之臣也

誹謗隳

上音方味反下音許規反

以幸為利

謂既臨不測之罪以幸免為利今我仍義先生

之恩雖身託外國而心亦不敢出也

忠臣去國不潔名

言忠臣去離本國不自潔其名云已

無罪故禮曰大夫去其國不說人以無罪是也

臣雖不佞

不佞猶不才也

數奉教於君

子矣

上數音朔言我已數經奉教令於君子君子即識禮之人謂已在外猶云已罪不說王之有非故下

云不察疎遠之行斯亦忠臣之節也

樂間

音紀間反樂毅之子也

其相栗腹

栗姓腹名也漢

有栗姬

趙四戰之國也

言趙數距四方之敵故云四戰之國

及人志不入

謂國

亂而人離心向外故云不入又獄囚自出是政亂而士師不為守法也

趙封樂乘為武襄

君樂乘樂毅之宗人也樂臣公本亦作巨公也教蓋公古閭反蓋公史不記名

廉頗藺相如列傳第二十一

廉頗為趙將伐齊大破之取陽晉

按陽晉衛地後屬齊今趙取之司馬彪郡

國志曰今衛國陽晉城是也有本作晉陽非也晉陽在太原雖亦趙地非齊所取

廣成傳

廣成是傳

舍之名傳

設九賓

周禮大行人別九賓謂九服之賓客也列傳云設九年

視而嘻

音希乃驚而怒之辭也

拔石城

劉氏云蓋謂石邑

會於西河外滏池

在西河之

南故云外按表在趙惠文王二十年也

盆鉞

盆音二音

位在廉頗之右

王劭按董勛答

禮曰職高者名錄在上於人為右職卑者名錄在下於人為左是以謂下遷為左

肉袒負荊

肉袒

者謂袒衣而露肉也負荆者荆楚也可以為鞭崔浩云言要齊生為刎頸之交死而刎頸無悔也

居二年廉頗復伐齊幾拔之世家云惠文王二十三年

此列傳合戰國策云秦敗關於及攻魏之幾邑取之與裴駘引齊世家及年表無伐齊拔幾之事疑其幾是故

邑或屬齊魏故耳攻魏之防陵按防陵在楚之西屬漢中胥後

令按胥須古人通用今者胥後令謂胥為須須者待也待後令謂許歷之言更不擬誅之故更待後也邯

鄆許歷請復諫按即鄆二字當為欲戰謂臨戰之時許

猶敗秦是言趙奢用其計遂破秦軍也漢令稱完而不髡曰耐是完士未免從軍也趙以尉

文封廉頗為信平君信平號也徐廣云尉文邑名按漢書表有尉文節侯云在南郡益尉

官也文名也謂取尉文所食之邑復以封頗而後號為信平君李牧攻燕拔武遂方城

按地理志武遂屬河間國方城屬廣陽也項之三遺矢矣謂數起便矢一作屎輸入莫

府按注如淳解莫大也云云又崔浩云古者出征為師軍還則罷無事處以幕帟為府署故曰莫府則莫當

作幕字多間諜上紀蒐反百金之士五萬管子曰能破敵禽將者賞

之百金穀者十萬人上音古候反數千人委之委謂棄之

也滅襜褕上音都甘反下音路龐煖破燕軍按即馮煖也龐音皮

江反煖音况劇辛本趙人仕燕者秦破殺趙將扈輒扈氏輒名漢張耳時

別有於武遂按劉氏云此本韓地在趙西桓齮音蟻番吾

史記卷一百一十五
史記卷一百一十五
六

縣名地理志在常山音婆又音盤

威信敵國信音伸

田單列傳第二十二

田單音丹注今之東安平

按地理志東安平屬淄川國也

斷其車軸末音上

斷都綬反斷其軸恐長相撥也

傳鐵籠

傳音附按截其軸與轂齊以鐵鑠附

軸末施轄於鐵中以制轂也又方言

操版插

上七高反下初洽反

卒至河上

河上即齊之北界近河東齊之舊地

號曰安平君

以單初起安平故以為號

兵以正合以奇勝

按奇謂權詐也注引魏武蓋亦軍令也

善之者

兵不厭詐故云

之善出奇無窮

謂權變多也

奇正還相生

言用兵之術或用正法或用奇計使前敵

不可測量如尋環
中不知端際也

始如處女

言兵之始如處女之歡弱也

適人開戶

上音敵若如處女之弱則敵人輕侮開戶不為備也

後如脫兔適不及距

言克敵之後卷

甲而趨如兔之得脫而走疾也適不及距者若脫兔忽過而敵忘其所距也

聞畫邑人王蠋

賢

畫一音獲又音胡卦反劉熙云齊西南近邑蠋音觸又音歌

乃經其頸

按經猶繫也

自

奮絕脰而死

何休云脰頸齊語也音豆

魯仲連鄒陽列傳第二十三

好奇偉倬儻

按廣雅云倬儻卓異也

新垣衍

新垣姓衍名也為梁將故漢有新垣平

令趙帝秦

新垣衍欲令趙尊秦為帝也

勝請為紹介

按紹介猶媒介也且禮賓至必

因介以傳辭給者繼也介不一
人故禮云介紹而傳命是也
世以鮑焦為無從頌而

死者皆非也

從頌者從容也世人見鮑焦之死皆以為不能自寬容而取死此言非也衆人

不知則為一身

言衆人不識鮑焦之意焦以恥居濁世而避之非是自為一身而憂死事見莊

也上首功之國

秦法斬首多為上功謂斬一人首賜爵一級故謂秦為首功之國也權使

其士

言秦人以權詐使其戰士

虜使其人

以奴虜使其人言無恩以恤下

肆然而為

帝

肆然猶肆志也

過而為政

謂以過惡而為政也

天子下席

按謂烈王太子安王驕也

下席言其寢苦居廬

而智不若耶畏之也

言僕夫十人而從一人者寧是力不勝亦非智

不如正是畏懼其主耳

曰噫嘻

上音依者不平之聲下音僖者驚恨之聲

夷維子

按維東萊

之邑其居夷也號夷維子諸侯辟舍辟音避避正寢按禮天子適諸侯必

舍於廟納莞簟音管攝衽抱机音紀魯人投其簟不果納謂闕

內門不將倍殯棺設北面倍音佩謂主人在殯東將背其殯棺立西階上北面哭

是背也天子乃於階上南面而弔也鄒魯之臣生則不得事養謂時君弱臣強故鄒

魯君生時臣並不得盡事養死亦不得行賻襚之禮然齊欲行天子禮於鄒魯之臣皆不果納之是猶秉禮而

存大其後三十餘年按徐廣據年表以為田單攻聊城在長平後十餘年耳言三十餘年

誤勇士不却死而滅名却死猶避死也齊之南陽即楚之淮北泗上之地也

魏攻平陸平陸邑名在西界得濟北之利即聊城也衡秦之勢成

此時秦與齊和故

齊棄南陽

棄楚所攻

斷右壤

又斷絕

云衡秦之勢成也

定濟北

志在攻聊城

今楚魏

攻齊右壤斷棄而不救也

言右壤斷棄而不救也

以資

交退於齊

按交者俱也前時楚攻南陽魏攻平陸

以資

說士

言既養百姓又資說士終擬強國也劉氏

矯國更

俗

欲令燕將歸燕矯正

亡意

上音無言若必無還燕意

富比陶衛

按延篤注戰國策云陶陶來公也衛衛公子

荆非也王劭云魏冉封陶陶商君姓衛富比陶

曹子

魯將曹

枝桓公之

此也

遺公子糾

遺棄也謂棄子

曹子

昧是也

枝桓公之

心擬也

肆志

肆猶

莊忌夫子

忌會稽人姓莊氏字夫子後避漢明帝諱改曰

嚴 淮陰枚生

名乘字叔其子臯漢書並有傳蓋以衛枚氏而得姓也

而介於羊勝

公孫詭之間

言鄒陽上書自達而遊於二人之間或往彼或往此介者言有隔於其間故杜預曰

介猶間也

白虹貫日太子畏之

烈士傳曰荆軻發後太子日相氣見虹貫日不徹曰吾事

不成後聞軻死事不就曰吾知其然見畏也又王劭云軻將入秦待其客未發太子丹疑其畏故曰畏之其解

不如見虹貫日不徹也戰國策又云聶政刺韓傀亦曰白虹貫日也

衛先生為長平之事

太白食昴

昴度云衛先生秦人白起攻趙軍於長平遣衛先生說昭王請益兵糧為穰侯所害事不

成精誠感天故太白食昴昴趙分也如淳云太白主西方泰在西敗趙之兆也食謂干歷之也又王充云夫言

白虹貫日者太白食昴實也夫言荆軻之謀衛先生之策感動皇天而貫日食昴是虛也 左右不明

言左右之不

明不欲斥王昔玉人獻寶楚王誅之

楚人卞和得玉璞事見國語及呂氏

春秋注武王

按世家楚武王名熊通

注復獻文王

文王名賢武王子也

至成王

時

文王子也名憚

箕子佯狂

佯音陽謂詐為狂也司馬彪曰箕子名胥餘是也

接輿避

世

張晏曰楚賢人高士傳曰楚人陸通字接輿也

而後楚王胡亥之聽

謂以楚王胡亥

之聽為謬故後之不用後猶下也

子胥鴟夷

按韋昭云以皮作鴟鳥形名曰鴟夷鴟夷皮搯也服

度曰用馬革作囊也以裹尸投之于江

白頭如新

按服虔云人不相知自初交至白頭猶如新也

傾蓋如故

服虔云如吳札鄭僑也按家語孔子遇程子於途傾蓋而語又志林云傾蓋者道行相遇

輯車對語兩蓋相切小敬之故曰傾也

藉荊軻首

上音子夜反韋昭云謂於期逃秦之燕以頭與

軻使入秦以示信也

為燕尾生

服虔云蘇秦不見信於天下於燕則出尾生之信韋昭云尾生守信

而死者按言蘇秦於燕獨守信如尾生故云如燕之尾生也

注白圭為中山將

按事見戰

國策及呂氏春秋也

食以馱馱

按字林云馱啼二音北狄之良馬也馱父贏母

司馬喜臚

脚於宋

事見戰國策及呂氏春秋蘇林云六國時人相中山也

范睢摺脅折齒

按應

侯傳作折脅摺齒是也說文拉摧也音力合反

申屠狄自沈於河

按莊子申屠狄諫而不用

負石自投河韋昭云六國時人漢書云自沈於河徐服虔曰雍州之河又新序作抱甕自沈於河不同也

衍負石於海

亦見莊子張晏曰負石欲沈

注齊桓公夜出迎客

按此

春秋呂氏**注擊牛角商歌**

按謂為商聲而歌也或云商旅人歌也二音並通

注南山

研

研音公彈反研者白淨貌也顧野王又作岸音也

注與舜禪

膳音如字讀協韻失之故也

適至骨

按埤蒼云骨脰也字林音下諫反

魯聽季孫之說逐孔子

論語齊人

歸女樂季桓子受之三日不朝孔子行也

宋信子罕之計囚墨翟

按左氏司城子罕姓

樂名喜乃宋之賢臣也漢書作子丹不知子丹是何人文穎曰子丹子罕也又按荀卿傳云墨翟孔子時人或云在孔子後又襄二十九年左傳宋飢子罕請出粟按時孔子適八歲則墨翟與子罕不得相輩或以子丹為是
是東口鏐金
按國語云衆心成城衆口鏐金賈逵云鏐消也衆口所惡雖金亦為之消亡又風俗通云或說有美金於此衆人或共誡訛言其不純金賈者欲其必售因取鍛燒以見其真是為衆口鏐金也

積毀銷骨

按大顏云讒人積久譖毀則父兄伯叔自相誅戮骨肉為之相滅也

齊用越人

蒙

越人蒙未見所出漢書作子臧又張晏云子臧越人或蒙之字也

公聽竝觀

小顏云公聽言

不私竝觀所見齊同也

封比干之後修孕婦之墓

按比干之後後謂子也不見其

文尚書封比干之墓又云割別孕婦之墓也

孫叔敖三去相

不悔

按三得相不喜知其才之自得也三去相不悔知非己之罪也

於陵子仲辭三公

為人灌園

按孟子云陳仲子齊陳氏之族兄為齊卿仲子以為不義乃適楚居于於陵自謂於陵子

仲楚王聘以為相子仲遂夫妻相與逃為人灌園烈士傳云字子終

桀之狗可使吠堯

及下

距之客可使刺由此竝見戰國策服虔云仲由也應劭云許由也

荆軻之湛七族

湛音沈張

晏云七族上至曾祖下至玄孫又一說云父之族一也姑之子二也姊妹之子三也姊妹女子之子四也母之族

五也徙子六也及妻父母凡七

要離之燒妻子

事見呂氏春秋

蟠木根柢

孟康云盤

結之木也晉灼云盤柢木根也

左右先為之容

謂左右先加雕刻是為之容飾也

雖蒙

堯舜之術

按言雖蒙被堯舜之道

獨化於陶鈞之上

張晏云陶治鈞範也作器

下所轉者名鈞韋昭曰陶燒瓦之竈鈞木長七尺有絃所以調為器具也崔浩云以鈞制器萬殊故知造化也

匕首竊發

按風俗通云其頭類匕故曰匕首短而使用也

周用烏集

韋昭云呂尚適周如

鳥之集

使不羈之士

按言駿足不可羈絆以比逸才之人

與牛驥同皁

應劭云皁

檻也韋昭云皁養馬之官下士也按養馬之官其衣皁也又郭璞云皁養馬器也

此鮑焦所以

忿世

按晉灼云烈士傳鮑焦怨世不用以採蔬於道子貢難曰非其代而採其蔬此焦之有哉棄其蔬乃

立枯洛水之上按此事見莊子縣名為勝母曾子不入
及說苑韓詩外傳小有不同耳
按淮南子及鹽鐵論竝云里名勝母曾子不入蓋以名
不順故也尸子以為孔子至勝母縣暮而不宿則不同
也

回面

杜預云
回邪也

屈原賈生列傳第二十四

屈原屬草豪

屬音燭草豪謂創制憲令之本也
漢書作草具崔浩謂發地造端也

而作

離騷

離騷也騷按楚詞離騷序云離別也騷愁也
離遭也騷憂也又離騷序云離別也騷愁也

濯淖

上音濁
下音關

汙泥

上音烏故反
下音奴計反

皤然

音自若反徐廣
云疎淨之貌

泥而不

滓

泥亦音涅滓亦
音淄又竝如字

破楚師於丹淅

二水名謂於丹水之
北淅水之南丹水淅

次定四事全書

水皆縣名在弘農所謂丹陽浙

破楚將屈丐

屈姓丐名音蓋也

襲楚至鄧

按此鄧在

漢水之北故鄭侯城也

懷王悔追儀不及

按張儀傳無此語也

不如母行

按楚

世家昭顧有此言蓋二人同諫王故彼此各隨錄之也

長子頃襄王立

名橫

人君無

愚知賢不肖

此已下太史公傷楚懷王之不能反國之論也

注向秀

向秀

字子期晉人注易

注張璠

張璠亦晉人注易也

可以汲

按京房易章句言我道可汲而用也

王明竝受其福

京房章句曰上有明王汲我道而用之天下竝受其福故曰王明竝受其福也

漁父

魚甫二音

隨其流

按楚詞作滑其泥

何故懷瑾握瑜

按楚詞此懷瑾握瑜

作深思高舉也汶汶者乎

汶汶者音閔汶汶猶昏暗也

寧赴常流

常流猶長流也

蒙

代俗之溫蠖乎

音烏廊反溫蠖猶悒悒楚詞作蒙世之塵埃哉

乃作懷沙賦

楚按

詞九懷曰懷沙礫以自沈此其義也

莽莽汨徂南土

王師叔曰汨行貌也方言曰謂疾行

也

眇兮窈窕

眇音舜徐氏云眇音眩窈窕音烏鳥反

離潛之長鞠

潛病鞠窮 元方

以為園兮

上五官反謂刻刻方木為園其常法度尚未廢

章畫職墨兮前度未

改

章明也畫計畫也楚詞職作志志念也餘如注解

以為下

音戶 鳳皇在笈

音奴又女

加反徐云一作郊

注奴籠落

按籠落謂藤蘿之相籠絡

雞雉翔舞

楚詞雞雉作鷩

羌

不知吾

王師叔云羌楚人語辭言卿何為也

誹駿疑桀兮

按尹文子云千人曰俊萬人曰

桀今乃誹俊疑桀固是庸人之態也

重華不可悟兮

楚詞作還並吳故反王師叔云悟達也

豈知其故也

楚詞作莫知其何故

含憂虞哀兮

楚詞作舒憂娛音虞娛者樂也

亂曰

王師叔曰亂者理也所以發理辭指撮總其要而重理前意也

浩浩沅湘兮

二水名按

地理志湘水出零陵海陽山北入江沅即湘之後流也

修路幽拂兮

楚詞作幽蔽也

曾嗟

恒悲至不可謂兮

楚詞無此二十一字

餘何畏懼

楚詞餘竝作余

遂自沈

汨羅而死

汨水在羅故曰汨羅地理志長沙有羅縣羅子之所徙荆州記羅縣北帶汨水汨音覓也

景差

按揚子法言及漢書古今人表皆作景璫今作差是字省耳又按徐裴鄒三家皆無音是讀如字也

賈生名義

漢書竝作誼也

河南守吳公

按吳姓也史失名故稱公

適去

韋昭云適

譴也字林云文厄切

造託

上音七到反

伏竄

下音如字又七外反

闌茸

上音天臘反下音而

龍反按應劭胡廣云關茸不才之人無六翮
翺翺之用反尊貴字林曰關茸不肖之人
賢聖逆曳

兮方正倒植

胡廣云逆曳不得順隨道而行也

世謂伯夷

貪兮謂盜跖廉

按漢書作隨夷涸兮跖躡廉一句皆兼兩人隨卞隨也夷伯夷也跖盜跖也躡

莊躡也

莫耶為頓兮

應劭曰莫耶吳大夫也作寶劍因名焉吳越春秋曰吳王使干將造劍二

枚一曰干將二曰莫耶

鉛刀為銛

鉛者錫也銛利也音纖言其暗感也

棄周鼎兮寶康瓠

幹轉也烏活反爾雅云康瓠謂之甌甌音丘列反李廵云康謂大瓠也康

空也晉灼云幹古管字也

驥垂兩耳兮服鹽車

戰國策曰夫驥服鹽車上太山中坂遷延

負轅不能上伯樂下車哭之也

詆曰

李奇曰詆告也音信張晏曰詆離騷下章詆亂也劉伯莊音素對反

訊猶宣也重宣其意

高遼

音逝也

獨煙鬱

漢書作壹鬱意亦通

自縮

而遠

縮漢書作引也

襲九淵神龍

襲復也莊子曰千金之珠必在九重之淵而驪龍領下故

云九淵之神龍也

沕深潛以自珍

張晏曰沕潛藏也音密又音勿也

彌融爚以

隱處

漢書作偃燂獺徐廣又一本作彌燭爚以隱處蓋總三本不同也按蘇林云偃音面應劭云偃背也

蟪蛄注爾雅似鳧江東謂之魚鵠也

夫豈從螳與蛭螾

螳音蟻漢書作蝦言偃然絕於蟪蛄也

般紛紛其離此尤

今般音班又音盤槃桓也紛紛猶藉藉構譏之意也尤謂怨咎也

亦夫子之辜也

漢書作辜

故夫子謂屈原也李奇曰亦夫子不如麟鳳翔逝之故罹此咎也

瞞九州

上丑知反謂歷觀也漢書

作歷覽德輝而下之按言鳳皇翔見人君有德乃下故禮曰德輝動乎內是也汙瀆

今音烏獨二音汙橫江湖之鱣鱣今固將制於蟻螻莊子

云庚桑楚謂弟子曰吞舟之魚蕩而失水則螻蟻能制之戰國策齊人說靜郭君亦同按以此喻小國暗主不

容忠臣而為讒賊為長沙傳按誼為傳是吳芮之玄孫

小臣之所見害為長沙王之時也非景帝

之子長沙王發也荊州記長沙城楚人命鵲曰服按鄧

似鵲而大晉灼云巴蜀異物志云有鳥小雞體有文色展云

土俗因形名之曰服不能遠飛行不出域荊州記云巫縣有鳥如雌雞其名為鵲楚人以自廣按姚氏云單閑

謂之服吳錄云服黑色鳴自呼廣猶寬也單閑

之歲爾雅云歲在外曰單閑李巡云單閑起也陽氣推

萬物而起故曰單閑孫炎本作蟬焉蟬猶伸也

庚子日施兮

施音移施猶西斜也漢書作斜也

筴言其度

漢書作識按說文云識驗

言也今此筴蓋雜筴辭云然

請問于服

于於也漢書本有作子服者小顏云子加美辭也

對

以意

協音臆也

幹流而遷

幹音管幹轉也

變化而嬗

韋昭云而如也如蟬之蛇化也

蘇林云嬗音禪謂其相傳與也

沕穆無窮

漢書作無間沕音密又音昧沕穆深微之貌以言其理昧

深微不可盡言也

禍兮福所倚

此老子之言然禍字古作既按倚者立身也伏下身也以言禍

福遞來猶如倚伏也

傅說胥靡

徐廣云胥靡腐形也晉云胥相也靡隨也古者相隨坐輕刑之名墨

子云傳說衣褐帶素傭築於傅巖在河東太陽夏縣又夏靖書云猗氏六十里黃河西岸吳坂下便得隱穴是

說所潛身處也

何異紉經

韋昭云經微也又風俗通云合繩為紉字林云經三合繩也又音墨

水

激則旱矢激則遠

此乃淮南子及鶚冠子文也彼則水激則旱矢激則遠此乃淮南子及鶚冠子文也彼則水

則去疾不能浸潤矢激疾則遠去也然說文早與悍同音以言水矢流飛本以無礙為通利今遇物觸之則激

怒更勁疾而遠悍猶人或

大專槃物

漢書云大鈞播物此專讀曰鈞槃猶

轉也與播義同如淳曰陶者作器於鈞上以造化為大鈞也虞喜字林云大鈞造化之神鈞陶萬物品授羣形

者也虞喜按上鄒陽傳注云陶家名模下圓 塊 孔 無 垠

應劭云其氣塊孔非有限齊也按無垠謂無有際畔也說文云垠圻也郭璞注方言云塊孔云不測也又王逸

注楚詞云塊孔雲霧氣昧也

天不可與慮

與音預也

天地為鑪造化為工

此莊子文 陰陽為炭萬物為銅

既以陶冶喻造化故以陰陽為炭萬物為銅

合散

消息

莊子云人之生也氣之聚也聚則為生散則為死

千變萬化

莊子云人之形千變萬化

未始有極

忽然為人何足控搏

按控引也搏音徒端反控搏謂引持而自玩弄貴生之意

也又本作控揣揣音初委反又音丁果反揣者量也故晉灼云或然為人言此生甚輕耳何足引物量度已年

命之長短而愛惜乎

化為異物

謂死而形化為鬼是為異物也

足患

協音環

賤彼貴

我

莊子云以物觀之自貴而相賤是也

物無不可

莊子云物固有不能物固有所可無物不然無

物不可也

貪夫殉財烈士殉名

此語亦出莊子臣瓚云亡身從物謂之殉也

夸者

死權

言好夸毗者死於權利是言貪權勢以自矜夸者至死不休也

注夸毗

按健為舍人注爾雅

云夸毗卑身屈己也曹大家云體柔人之夸毗也

注權勢不尤則夸者不悲

尤按

者甚也告勢不甚用則夸毗者可悲也

品庶馮生

漢書作每生音謀在反孟康云每者貪也服虔

云每念生也鄒誕本亦作每言唯念生而已今此作馮馮亦持念之意也然按方言每字合從手旁每音莫改

反怵迫西東

漢書作亦有作私東應劭云諸侯為私時天子居長安諸王悉在關東羣小怵然內

迫私家樂仕諸侯故云怵迫私東也李奇曰私名大人作西者言東西趨利也怵音黝又言怵者誘也

不曲

張譏云德無不包靈府弘曠故名大人也

櫪如囚拘

櫪音和板反說文云櫪大木柵也漢

書作僂音去隕反

至人遺物

莊子云古之至人先存諸己後存諸人張譏云體盡於聖德美之極

謂之真人淡漠

莊子云古之真人不知悅生不知惡死不以心損道不以人助天呂氏春秋曰

精氣曰新斜氣盡去反其天年謂之真人也

釋知遺形

按釋智謂絕聖棄智也遺形者形故可使

如槁木

超然自喪

謂心若死灰也莊周云今者吾喪我汝知之乎

得坻則止

漢書

坻作坎按周易坎九二有險言君子見險則止

其死兮若休

莊子云勞我以生休我以死也

記

乎若不繫之舟

出莊子也

不以生故自寶

鄧展云自寶自貴也

養空而

浮

言體道之人但養空性而心若浮舟也

德人無累

按德人謂上德之人心中無物累是得道

之士

細故慙前

前音介漢書作介張揖云邁介鯁刺也以言細微事故不足邁介我心故云何

足疑也

受釐宣室

三輔故事云宣室在未央殿北應劭云釐祭餘肉也音僖

梁懷王太

傅

梁懷王名揖文帝子

觀屈原所自沈淵

按荊州記云長沙羅縣北帶汨水去縣四十里

是原自沈處北岸有廟也

史記索隱卷二十

欽定四庫全書

史記索隱卷二十一

唐 司馬貞 撰

呂不韋列傳第二十五

陽翟

音狄俗又音宅地理志縣名屬潁川按戰國策以不韋為濮陽人又記其事迹亦多與此傳不同班

固雖云太史公採戰國策然為此傳當別有所聞見故不全依彼說或者劉向定戰國策時以己異聞改彼書

遂令不與史記合也

大賈

音古鄭玄注周禮賈

賣貴

王劭賣音作育按育賣義同今

依義安國君

名柱後立是為孝文王也

名子楚

即莊襄王也戰國策曰本名異人後趙遷不韋

使以楚服見王后悅之曰吾楚人質舊音致今讀依此

也而子字之乃變其名曰子楚也穀梁傳曰交質不

及二伯左傳曰信韓信傳亦曰韓信襄王龔孫張

不由中實無益也晏曰孺子曰龔何休注公羊龔

賤子也以非按下文云五百金為進用宜依

嫡正故曰龔小顏讀為賁才刃反進者財也

古字假謂既解不韋所言之意母幾得與長

借之也與坐深語遂與密謀深語之也

子母音無幾音冀望也左傳曰日月以幾戰國策曰子

兄弟舉立以為適而子之也以此為一句子謂養之為子

而子之夫在則尊間從容上音閑句容音

重作下句並通也七恭反並通也絕好善舞言

姿容絕美釣奇上云此奇貨可居也奇即至大基徐廣云

而又善舞釣奇上云此奇貨可居也奇即至大基徐廣云

景帝更名渭城按咸訓皆其地在渭水之北北陂之南水北曰陽山南亦曰陽皆在二者之陽也葬芷

陽芷音止地理志京兆霸陵杜東杜原之東後百年旁當有

萬家邑按宣帝元康元年起杜陵漢舊儀武昭宣三邑陵皆三萬戶計去此一百六十餘年也注

窰人子劉氏其矩反今俗本多作屢字蓋相承錯耳不近詞義今按說苑作窰子言輕諸侍中以為窮

子也窰家之遷太后雍按說苑云遷太后棫陽宮地理志說雍縣有棫陽宮秦昭王所起沒

其家家謂家產資物竝沒入官人口則遷之蜀也謚為帝太后王劭云秦不用謚法此蓋

號耳其義亦當然也始皇稱皇帝之後故其母號為帝太后豈謂累列生時之行乎嫪毐貴封號

文信侯按文信侯不韋封也嫪毐得寵貴由不韋耳今不韋封訖此贊中言嫪毐得寵貴由不韋耳今

此合作長
信侯也
斬之好時
地理志扶風
有好時縣也

刺客列傳第二十六

曹沫

亡葛反左傳穀梁竝作曹劇然則昧宜音沫劇聲相近而字異耳此作曹沫事約公羊為說然彼無

其名直云曹子而已且左傳魯莊十年戰于長勺用曹劇謀敗齊而無劫桓公之事十三年嬰盟于柯公羊始

論曹子穀梁此年惟云曹劇之盟遂已首已音比劉向信齊侯也又具不記行事之時

鐵論以為長尺八寸其頭類已故云已首也曰子將何欲公羊傳曰管子進

桓公卒不應管仲進為言之也欲倍之倍音專諸專字亦作劇音同常

邑人

地理志臨淮有常邑縣

內志

言其將有內難弑君之志且對外專生文吳世家曰知光有他

志餘祭

祭音則界反

夷昧

亡葛反公羊作餘米

九年楚平王卒

春秋二十年

楚子居卒是也吳世家云十二年此云九年竝誤據左傳合在僚之十一年也

蓋餘屬庸

屬音燭二

子僚之弟也左傳作掩餘屬庸掩蓋義同屬燭字相亂耳

圍楚之潛事在魯昭二十七年地理志廬

江有潛縣天柱山在南音潛杜預左傳注云潛楚邑在廬江六縣西南也

母老子弱

左傳直注云王

可殺也母老子弱是無若我何則是專設諸度僚可殺言其少援救故云無奈我何太史公採其意且據上文因復加與兩弟將兵外困之辭而服虔杜預見左氏下文云我爾身死以其子為卿遂強解是無

丙子注僚之十二年夏也吳系家以為十三年非也

左氏

經傳唯言夏四月公羊穀梁無傳經更與左氏吳系家同此傳稱丙子當有所據不知出何書伏甲士

左傳曰伏甲謂甲士也下文云出其伏甲以攻王

長鉞

音披兵器也劉達吳都賦注鉞兩刃小刀詳

為

上音陽下如字左傳曰光偽足疾此云詳詳則偽也或讀此為字音偽非也豈詳偽重言耶

已首

刺

七賜反

豫讓

晉人按此傳所說皆約戰國策文

事范氏及中行氏

按左傳范

氏謂昭子吉射也自士會食邑於范後因以邑為氏中行文子荀寅也自荀林父將中行後因以官為氏智

伯

按智伯襄子荀瑤也襄子林父荀首之後范中行智伯事已具趙系家

最怨智伯

初則醉以

酒後又率韓魏水灌晉陽城不沒者三版故怨之也

漆其頭為飲器

按大宛傳曰匈奴破月氏

王以其頭為飲器裴氏注彼引韋昭云飲器棹槓也晉灼曰飲器虎子也皆非棹所以盛酒耳非用飲者晉氏

以為棄器者以韓子呂氏春秋並云襄子漆智頭為洩杆故云

卒醪

上足律反下音釋字亦作釋漆

身為癘

癘音賴賴病惡癘疾病也凡漆有毒近之多患癘腫若賴病然故豫讓以漆塗身令其若癘耳然

鴈賴聲相近

古多假鴈為賴今之癘字從犮故楚有賴鄉亦作鴈字戰國策說此亦作鴈字吞炭為啞啞烏啞

反謂瘡病

戰國策云漆身為鴈滅髮去眉以變其容為乞食人其妻曰狀貌不似吾夫何其音之甚相類也讓

遂吞炭以

變其音也乃為所欲殺謂因得

變其音也

乃為所欲殺謂因得

言其

吾所為者劉氏云謂令

易也

所以為此者言寧為鴈而

事襄子而行

殺則恐傷人

臣之義而近賊

非忠也

輪未周而亡

此不言衣出血者

太史公恐涉怪

妄故略之耳

軹深井里人

地理志河

深井軹縣

嚴仲子高誘曰嚴

之里名也

嚴仲子遂字仲子

事韓哀侯

按肅政殺俠累在列侯三年後

次文侯後次哀凡三代哀侯六年為韓嚴所殺今言仲
子事哀侯恐非其實且太史公聞疑傳疑事難的據欲

使兩存故**韓相俠累**上古夾反下力追反按**有郄**戰國
表傳各異

韓傀相韓嚴遂重於君二人相害**自暢**徐氏云一作賜
嚴遂拔趙以救解是有郄之由也

近為**甘毳**鄭氏音脆二**降志辱身**言其心志與身本應
得也

屈辱其身論語孔子謂**未敢許人**禮記曰父母存
柳下惠降志辱身矣

間不甚遠高誘曰韓都潁川陽翟衛都**不能無生得**戰
東郡濮陽故曰間不遠也

策作無生情言所將人多或生異情故語泄此云生得
言將多人往殺俠累後又被生擒而事泄亦兩俱通也

刺殺俠累戰國策曰政直入上階刺韓傀**注戰國策**
走而抱哀侯聶政刺之兼中哀侯

有東孟之會

按高誘曰東孟地名也

為讎

徐注云一作難戰國策讎周亦同

自皮

面決眼

皮面謂刃割其皮面欲令人不識決眼謂出政其眼睛戰國策作抉眼此決亦通音烏穴反

姊榮

榮其姊名也戰國策無榮字

乃於邑

劉氏云煩冤愁苦

察舉吾弟

按察謂觀

察有志行乃舉之劉氏云察猶選之也

重自刑

重音持用反重猶復也為人報讎死乃以妾故復自

刑其身令人不識

以絕從

從音蹤古字少假借無旁足而徐氏為從坐非也劉氏亦音足松反

恙

爾雅云恙憂也楚辭云還及君之無恙風俗通云恙病也凡人相見及通書皆云無恙又易傳云上古之

時草居露宿恙齧蟲也善食人心故俗相勞云無恙恙非病也

濡忍

濡潤也人性濕潤則能含忍故云濡

忍也若勇躁則必輕死也

不重暴骸之難

重難並如字重猶惜也言不惜暴骸之為難也其

後二百二十餘年

徐氏據六國年表聶政去荆軻一百七十年則為此傳率略而言二百餘

年亦當時不能細也

荆軻

按贊論稱公孫季功董生為余道之此傳雖約戰國策而亦別記異聞

衛

人謂慶卿

軻先齊人齊有慶氏則或本姓慶春秋慶封其後改姓賀此下亦至衛而改姓荆荆慶聲

近隨在國而異其號耳卿者時人尊重之號猶如相尊美亦稱子然

蓋聶

上古臘反蓋姓聶名

目攝

之

攝猶整也謂不稱己意用怒因視以攝整之也

魯句踐

魯姓句踐名也與越王同或有意義俗本

踐作

擊筑

筑似琴有絃用竹擊之取以為名

高漸離

漸音如字王義之音哉廉反

鞠

武

上音麴又如字人姓名也

欲批

白結反批謂觸擊之

寒心

凡人寒甚則心戰恐懼亦戰今以懼

譬寒言可為心戰

禍必不振矣

振救也言禍及天下不可救之

北購

戰國策作講講和也

今讀購與為燕媾同媾亦合也漢史媾講兩字蔽席音蔽

常雜令欲北與連和陳軫傳亦曰西購於秦也

足結反蔽猶拂也不棄其孤也按無父稱孤時燕王尚在而丹稱孤者或記者失辭或諸侯嫡

子時亦僭稱孤也又劉闢以重利闢示也言以利誘之秦王貪絕

恣荆軻所欲燕丹子曰軻與太子遊東宮池軻拾瓦投

千里馬肝美即殺馬進肝太子與樊將軍置酒於華陽臺出美人能鼓琴軻曰好手也斷以玉盤盛之軻白太

子遇軻甚厚是也注方城縣有督亢亭地理志廣陽國有薊縣

有督亢亭搢其胷徐氏音丁鳩反搢謂以劍刺其胸也又搢

挽上烏草反下烏亂反勇者奮厲必切齒腐心切齒齒相磨切

也爾雅曰治骨曰切腐音輔亦爛也猶今徐夫人徐姓

名謂男焯之以焯染也總潰反謂忤視忤者逆也五故反

之甚地圖柙亦函也操其室室謂諸郎中衛之官夏

無且餘反王負劍王劬曰古者帶劍上長拔之不出室

負劍又燕丹子稱琴聲曰鹿以擣秦王耳音持益反

衍水遼東庸保樂布傳曰賣庸於齊為酒家人漢書

信故云庸保鶡冠宋子徐注云縣名屬鉅鹿從者謂主

之左家丈人劉氏云謂主人翁也又韋昭云古者名男

右也子為丈夫尊婦嫗為丈人故漢書宣元六

王傳所云丈人謂淮陽憲王外王母即張博久畏約謂約

母也故古詩曰三日斷五疋丈人故言遲

貧賤儉約既為庸保常畏人故云乃矐海各反一音角說者云以馬屎

煇令鉛置按劉氏云鉛為捷著筑扑普卜反不講於刺

失明按不講謂天雨粟馬生角燕丹子曰丹求歸秦王曰

李斯列傳第二十七

楚上蔡人地理志汝南上蔡縣云古蔡國武王弟叔度

南後二代至昭侯徙下蔡屬沛鄉小史劉氏云掌遊者

六國時為楚地故曰楚上蔡鄉文書

主事

言萬乘爭雄之時遊說者可以立功成名當得典主事務也劉氏云遊歷諸侯當覓強主以事之於

文紆

此禽鹿視肉

禽鹿猶禽獸也言禽獸但知視肉而食之莊子及蘇子曰人而不學譬之

視肉而食此揚子法言曰人而不學如禽何異言不能遊說取榮貴既如禽獸徒有人面而強能行耳非

世

非者識也所謂處士橫議也

胥人去其幾也

胥人猶胥吏小人也去猶失也幾者動之

微以言君子見幾而作不俟終日小人不識動而遂忍微之會故每失時也劉氏云解幾為強非也

之言

因諸侯有瑕豐則忍心而

竈上騷除

騷音掃言秦欲并天下若

炊婦掃除竈上之一切逐客

一切逐客

一切猶一例言盡逐故也言切者譬若利刀之割一

運斤無不斲者解漢書

得百里奚於宛

秦本紀云晉獻公以百里奚為

秦穆夫人勝於秦奚亡迎蹇叔於宋秦紀又曰百里奚走宛楚鄙人執之是也

臣友蹇叔蹇叔賢而代莫知穆公厚幣來丕豹公孫支迎之以爲上大夫令云於宋未詳所出

於晉丕豹自晉奔秦左氏傳有明文公孫支所謂并國子桑也是秦大夫而云自晉來亦未見所出

二十秦本紀穆公用由余謀伐戎王益國十二開地千里遂霸西戎此都言五子之功故云并國二十或

易爲十二誤也惠王用張儀拔三川并巴蜀按惠王從之果滅蜀儀死後武王欲

通車三川令甘茂伐宜陽令並云張儀爲相雖錯滅蜀茂通三川皆歸功於相又三川是儀先伐故也包

九夷制鄢郢九夷即屬楚之夷也地理志南郡江陵縣云故楚鄢都又宜城縣云故鄢也蠶

食高誘注淮南子云蠶食盡無餘也大阿之劍越絕書曰楚王召歐冶子干將作鐵劍三故一

曰干將二曰莫邪三曰大阿也

注織離蒲梢

皆馬名徐氏據孫卿子而為說

馱馱

決機二音

周書曰正北以馱馱為獻廣雅曰馱馱也郭景純注上林賦生三日而起其母也

充下陳

猶後

列也晏子曰有二女願得入身於下陳也

宛珠之簪傳璣之珥

宛音於阮反傳音附宛謂

以珠宛轉而裝其簪傳璣者以璣傳著於珥珥者瑱也璣是珠之不圓者或云宛珠隨珠也隨在漢水之南宛

亦近漢故云宛傳璣者女飾也言女傳之珥以璣為之並非秦所有物也

隨俗雅好

謂閑雅變化而

能通俗也擊甕叩缶

說文云甕汲甕也於貢反缶瓦器也秦人鼓之以節樂甕音甫有反

太山

不讓土壤

管子曰山不辭土石故能成其高文子曰聖人不讓負薪之言以廣其名

以資敵

國

資猶給也

藉寇兵而齎盜糧

藉音積夜反齎音子奚反說文曰齎持遺也齎或為資義

亦以重陛下

重音逐用反

別白黑

劉氏云前時國異政家殊俗人造語莫辨

其真今乃分

定一尊

謂始皇并六國定天下海內共尊立一帝故云

所稅駕也

稅駕猶解駕言休息也李斯言已今日富貴已極然未知向後吉凶止泊在何處

能薄而材譾

音義云牽殄反劉氏將淺反則譾亦淺義古人語自有重輕所以文字有異

而庶幾

斯言忠臣之節

本不避死言已今日亦庶幾盡忠不避死

水搖者萬物作

水搖者謂冰泮而水動也是春時而

萬物皆生也

斯其猶人哉

言我今日猶是人人道守順豈能為逆謀故下云安足與謀

砥

死

砥音宅與礪同古今字異耳礪謂裂其支體而殺之

染糲

染音資糲音郎葛反染者糲也糲者麓栗

飯采椽

采木名即今之櫟木

不穀於是

穀音學爾雅云穀盡也監門下人飯猶不盡此若徐

氏云一作穀穀推也則

恣睢

上資二反下呼李反恣睢猶放縱也謂肆情恣縱也

格虜

格強扞也虜奴隸也言嚴整之家本無格扞奴僕也

布帛尋常庸人弗釋

尺八

曰尋倍尋曰常以言其少也庸人弗釋尋常者謂庸人見則取之而不釋以其罪輕故下云罰不必加則庸人

弗釋尋常是也

鑠金百溢

爾雅鑠美也言百溢之美金在於地雖有盜跖之行亦不取者為其財多

而罪重也故下云搏必隨手刑盜跖不搏也

盜跖弗搏

搏猶攫也取也凡鳥翼擊物曰搏足取曰

攫故人取物亦謂之搏

峭塹

峭峻也高也七笑反塹音漸以言峭峻則難登故樓季難五尺之限平塹

則易涉故跛

則舍

舍猶廢也止也言為人主不能行聖人督責之術則已廢止何為勤身苦

心為天下所役何哉

拂世磨俗

上音扶弗反磨音莫何反拂世蓋言與代情乖

庾磨俗言磨礪於俗使從己

阿房

旁音一如字

少我且固我

謂以我幼故輕我也云固

我者一云以我為短少且固陋於我

韓玘

亦作起竝音怡韓大夫弑其君悼公然韓無悼公或鄭之嗣君

為韓安相也

按表韓玘事昭侯昭侯已下四代至王安其說非

始皇弟子嬰

劉氏

云弟字誤當為孫子嬰二世兄子

蒙恬列傳第二十八

恬嘗書獄文學

謂恬嘗學獄法遂作獄官典文學

蒙驁

音教又鄒氏音五到反

生

隱宮

劉氏云蓋其父犯宮刑妻子沒為官奴婢妻後野合所生子皆承趙姓竝宮之故云兄弟生隱宮謂

隱宮者宦之謂也

北走

音奏然走猶向也鄒氏音趣趣亦向義於字則乖

而俞弗立

俞即

踰也音與謂知太子賢而踰久不立是不忠也

曲宮

曲姓宮名

臣少宮順幸沒世

蒙毅

言已少事始皇順意因蒙幸至始皇沒世可謂知上意

是以籍於諸侯

言其惡聲狼籍布於

諸國而劉氏曰諸侯皆記其惡於吏籍非也

必參而伍

參謂三卿五即五大夫欲參伍更議

故

曰過可振而諫可覺

此故曰者必先志有此言蒙恬引之以成說也今不知出何書耳振

者救也然語亦倒以言前人受諫可覺則其過乃可救

史記索隱卷二十一

欽定四庫全書

史記索隱卷二十二

唐 司馬貞 撰

張耳列傳第二十九

大梁

按臣瓚今陳留大梁城是也

亡命

晉灼曰命者名也謂脫名籍而逃匿則削除名籍故以逃

為亡

遊外黃

地理志屬陳留

去抵父客

如淳云抵歸也音丁米反

請決

謂女請父

客為決其夫

絕苦陘

地理志屬中山張晏曰章帝醜其名改曰漢昌

刎頸交

崔浩

云言要齊生死斷頸無悔

反用門者

按門者即餘耳也自以其名而號令里中詐更別求也

從

白馬渡河

按鄴食其云白馬之津白馬是津渡其地與黎陽對岸

南有五嶺

裴氏廣川

記云大庾始安臨賀桂陽揭陽斯五嶺

時間不容息

以言舉事不可失時時幾之迅速其間不

容一喘息

舍中曰

謂其同舍中之人也漢書作舍人

杖馬箠

上音火下之委反

石邑

地理志屬常山

欲附趙難

按羈旅勢弱難以立功也

獨立趙後

謂獨有立六國

趙王之後

嘗秦軍

崔浩云嘗猶試

望臣深

望怨責也

重去將

按重訓難也或云重惜也

天與不取

此辭出國語

雅遊

鄭氏云雅故也韋昭云雅素也然素亦故也故遊言慣遊從故

多人所稱譽

南皮

地理志屬渤海

甘公

天官書云齊甘公藝文志云楚有甘公齊楚不同劉歆七

略云字逢甘德志

泚水

徐廣音遲蘇林音祇晉灼音丁禮反今俗呼此水則然按地理

志音脂則蘇音為得郭景純注箕踞崔浩云屈膝生其形如箕屏王

山海經云泝水出常山中丘縣按服虔音昨軒反弱小貌也孟康音仕連反齧指按小顏曰齧指以表至誠為其約誓汙王蕭該

音一故反說乃壁人栢人謂於栢人縣館舍壁中著人欲為變也要之置

廁文穎云置人廁壁中以伺高祖也張晏云鑿壁空之令入止中也今按云置廁者置人於複壁中謂之置

廁廁者隱側之處因刺剗徐廣音丁方反按擬亦刺也漢書作刺藝張晏云藝灼也

說文云燒也篋輿前服虔云音編編竹木如今峻可以糞除也何休著公羊音峻音者竹篋一名

編齊魯已北名為筍郭絕肮而死蘇林云亢顓大脉也璞三倉注云篋輿土器俗所謂胡脉下郎反

蕭該或音尚魯元公主章昭曰尚奉也不敢言取崔浩下浪反云奉事公主小顏云尚配也易

曰德尚于中行王弼亦魯元王偃魯謂偃以其母號而封也相然信

以尚為配恐非其義也按葛洪要用字苑云然猶爾也謂相和勢利交有本作私利交

同諾者何也謂然諾相信雖死不顧也漢書作勢利故廉頗云天下以市道交君有勢利從君無勢則去此固其理是也

魏豹彭越列傳第三十

魏咎故甯陵君

按晉灼云甯陵今梁國縣也即今寧陵是其兄魏咎按彭越傳云魏

豹魏王咎從弟真魏後也忠臣乃見老子曰國家昏亂有忠臣此取以為說也遣項它田

巴按項它楚將田巴齊將也白駒過隙莊子云無異騏驥之馳過隙則謂馬也小願云白駒謂日

影也隙壁隙也以言速疾若日影過壁隙也與期旦日日日出旦日謂明日之朝日出時也

擅將其兵

擅猶專也

東傳海

傳音附

青衣

蘇林曰縣名今為臨邛瓚曰今漢嘉是也

西至鄭

地理志鄭屬京兆

喋血

音牒喋猶踐也殺敵踐血而行孝文紀喋血京師是也

黥布列傳第三十一

六人

地理志廬江有六縣蘇林曰今為六安也

姓英氏

按布本姓英國名也答錄之後布以少時

有人相云當刑而王故漢書云布改姓黥以厭當之也

幾是乎

裴駰曰臣瓚音機幾近也楚漢春秋

作豈是乎故徐廣云一作豈劉氏作祈祈者語辭也亦通

共俳笑之

謂眾共以俳輩笑之曹偶

曹輩也偶類也謂徒輩之類

先從問道

鄒氏云問猶問也謂私也今以問音統蒐反問道即他道

猶若反

嘗為軍鋒

按漢書作楚軍前

簿

簿者鹵簿

謂左右

按謂隨何因太

欽定四庫全書

宰主之

太宰膳食之官
韋昭曰主舍

天下負之以不義

負猶被也
不義被其身

守徼

徼謂邊境
繞邊陲恒守之也

乘塞

按乘者登也
垣塞而守之

間以梁

地

按服虔曰梁在
楚漢之中間

注恃一作罷

按漢書作
罷音皮

事已構

按構
訓成

也

走漢

走音奏
向也

腐儒

腐音輔謂之腐
敗之物不任用

貴赫

上音
肥人

姓也赫音

疏爵而貴之

疏分也漢書曰禹決江疏河尚
書曰列爵惟五分土惟三裂地

是對文故知

教庾之粟

按太康地記云秦建教倉於
成阜又云庾故云教庾也

窳

音烏

封薛公千戶

劉氏云薛公為封
千戶蓋關內侯也

徐僮間

按地理志
臨淮有徐

縣僮

會甄

上古外反下持瑞反
名漢書作甄應劭音保鉅下亭名

長沙哀

王

哀字誤也是成王臣吳芮之子也

茲鄉

鄒陽鄉之鄉

拔興

白曷反疾也

妬媚

按王

劾

音媚媚亦妬也漢書外戚傳亦云或結寵妾妬媚之

誅

又論衡云妬夫媚婦則媚是妬之別名今原英布之

誅

為疑責赫與其妃有亂故至滅國所以不得言妬媚是媚也一云男妬曰媚

以不得言妬媚是媚也一云男妬曰媚

淮陰侯列傳第三十二

下鄉

按鄉鄉名屬淮陰郡

南昌亭長

按楚漢春秋作新昌亭長

吾哀王孫

劉

曰

秦末多失國言王孫公子尊之

袴下

袴漢書作胯胯

也

蘇林亦同張晏云字王孫非也

股

也音枯化反

然

尋此文作袴欲依字讀何為不連教李奇云楚官張

通

袴下即胯下也亦何必須作胯

暗

上於金反下烏路

叱咤

叱字或作叱上昌栗反

暗

反暗啞懷怒氣

叱咤

下卓嫁反叱咤發怒聲千

人皆廢

張晏曰廢伏也

言語嘔嘔

音吁嘔嘔猶區區也

姁姁好也

何不誅

按劉氏云言何所不誅也

何不散

劉氏云用東歸之兵擊東方之

敵此敵無

秋毫

按毫秋乃成又王逸注楚詞云銳毛為毫夏落秋生也

可傳檄

按

文云檄二尺書也此云傳檄書以責所伐者

絕河關

按謂今蒲津關

塞臨晉

上音先得反臨

晉縣名在河東之東岸對舊關

陳船欲度臨晉

劉氏云陳船地名在舊關之西今之朝邑是也

按京兆有船司空縣不名陳

襲安邑

按劉氏云夏陽舊無船豹不備之而

防臨晉耳今安邑

關與

司馬彪郡國志上黨沾縣有關與聚關音曷又音媽與音余又

被襲故豹遂降也

與聚關音曷又音媽與音余又

東下井陘

按地理志常山

預新喋血

舊音歎非也按陳湯傳喋血萬里韋昭音徒協反

東下井陘

按地理志常山

石邑縣井陘山在西又穆天子傳云間道卑山按謂令

至于陘山之隧升于三道之磴見也

小路向前望見陳餘軍營住仍須隱山自蔽勿令趙知

也卑音蔽者蓋覆也楚漢春秋作卑山漢書作萆說文

云萆蔽也傳食如淳曰小飯曰食謂立待抵水上徐廣

從卑竹聲傳食待破趙乃大食也

劉氏效首虜如淳曰致也晉灼云效數涉西河此之西

音脂也鄭玄注禮效猶呈見也

也榆衣甘食業而事美衣甘食日偷荀且也慮不圖久

故也漢書作醪兵劉氏依劉逵音醪酒謂以酒食養兵

靡衣愉食也

謂以酒醪解兵夾灘水音維地理志灘水琅邪箕縣東

士故字從酉

而東北流入海蓋據儋石儋音都濫反石斗也蘇吟而

不言

吟鄒氏音拒
蔭反又音琴

注一云卒遂不用

按漢書及戰國
策皆有此文

伊

盧卿

出司馬彪
郡國志

郊兔死

郊音狡狡猶也吳越春秋作郊
兔亦通漢書作狡兔戰國策曰

東郭逡海
內狡兔也

其舍人

按晉灼曰楚漢春秋云謝公也姚氏
按功臣表云慎陽侯樂說淮陰舍人

告信反未
知孰是

韓信盧綰列傳第三十三

韓王信

楚漢春秋云韓王信都恐謬也諸書不言有韓
信都按韓初為韓司徒後訛云申徒因誤以為

韓王孽孫

張晏云庶子為孽子何休注公羊以為孽賤
子猶之伐木有孽生也漢書晁錯云孽子悖

惠王跂而踵也

其鋒東鄉

按姚氏云軍中將士氣鋒
韋昭曰其氣鋒銳欲東也

注封為穰侯

地理志穰縣屬南陽

冒頓

上音墨反音莫報反

白登

姚氏按北疆記桑乾

河北有白登山冒頓圍漢高之所今猶有壘壁

傅兩矢

附傳音

柴將軍

應劭云柴武鄧展云

柴奇晉灼云奇武之子應劭說為得此時奇未為將

債於吳

蘇林曰債音奮張晏曰債僵仆也

痿

人不忘起

痿耳誰反舊音耳睡反於義為疎張揖云痿不能起哀帝紀云帝即位痿痺是也

弓

高侯

地理志屬河間漢書功臣表屬信陵

襄城侯

按服虔云縣名功臣表屬魏郡

韓嫣

音偃

又一言反又休延反並通

孫增

徐廣曰長君之子按博物志字季君也

龍頤侯

五格反又作維

音洛龍

缺望

服虔音決缺望猶怨也又音企韋昭音冀

宛胸人

地理志屬濟陰下又云梁

人是褚先生之說異也

田儋列傳第三十四

田儋

子市從弟榮榮子廣榮橫各適為王橫并三齊

蝮螫手

上音芳服反下音懼又音釋

三

齊

田市王膠東田都王齊田安王濟北

畸

上音蟻

畸

側齒

長短說

言欲令此

事長則長說之欲令此事短則短說之故戰國策亦名曰短長書是也

乃醪齊

此豈亦以醪酒之義

並古

雋永

書名也音松充反

無不善畫者莫圖何哉

言天下非無善畫之

人而不知圖畫田橫及其黨慕義死節之事故歎畫人不知畫此也

樊鄴滕灌列傳第三十五

擊泗水監豐下

按監者秦時御史監都也豐下豐縣之下也

破泗水守薛西

謂破其守於薛縣之西也賜上聞爵張晏云得徑上聞晉灼曰名通

引呂氏春秋當證出亳南按亳湯所都今河南偃師有湯亳是也曲遇音

顯二音宛陵地理志屬河南號賢成君張晏曰食祿比封君而無邑徐廣曰賜爵有執

圭執帛又有爵封而加美號又小顏云楚漢之際權賜設寵榮假其位號或得邑地或空受爵此例多矣

重封張晏云益祿也臣瓚以為增封義亦近是而如淳曰正爵名非也小顏以為重封者兼二號蓋為得

也譙讓項羽上音誚責也或才擊西丞白水北按西謂隴西之

西縣白水水名出武都經西縣東南南流言噲擊章平章

即章邯攻雍釐按雍即扶風雍昌縣釐音台即后壤東

子也穰所封今之武功故釐城是音胎

小顏亦以柳中

按柳中即細柳地

灌廢丘最

謂以水灌廢丘城陷其功

為地名柳中柳中即細柳地

最上也李奇曰廢丘即槐里也上槐里此又言者疑此

是小槐里非也按文云攻趙賁下郿槐里柳中咸陽總

言是攻陷之邑別言以水灌廢丘其特最也何者初云

槐里稱其新名後言最既是舉不欲再見其文故因舊

稱廢丘杜之樊鄉按杜陵有樊鄉三秦記曰長安正南山

樊鄉即屠蕢棗檢地理志無蕢棗晉說是功臣表有蕢

川地今按續漢書郡國志在濟陰宛胸也抵荊南抵音丁

者丞相之名呂嬖嫪屬二音春他廣奪侯按漢書平帝

噲玄孫之章為麗商音高陽人聚名屬略地六月餘事

武陽侯邑千戶麗商音高陽人聚名屬略地六月餘事

與

酈生傳及年表小不於歧此地名關蓋在河東鄭縣之界栢關按在漢中旬陽

縣旬水破將軍焉氏上音於然反下音支縣名屬安定漢書云破鄣邯別將蘇駟

軍於泥陽北地縣名駟者龍馬也栢邑按在漢中栢陽地戰龍脫

孟康曰地名在燕趙之界其地闕攻其前拒音巨又音矩裴駟云拒方陣鄒氏引左傳有左矩又

云一作和和軍門也漢書作前垣小顏以為攻其壁壘之垣也李奇以為前鋒堅蔽若垣牆非也字況

酈寄字也鄒氏給呂祿給欺也詐也音待俞侯藥布俞音歛縣本作光亦音況

河封為繆侯音穆邑也諡曰靖侯漢書無諡為沛廩司御按楚漢春秋云滕公者御

也後獄覆按韋昭曰高帝自言不傷注乞鞠按晉令云獄結竟呼

四鞠語罪狀囚若稱得印一匱按說文云匱匣謂得印

陽上音止地名今常蹶兩兒音厥又音巨月反一音面

雍樹蘇林與晉灼皆言南方及京師謂抱兒為攤樹今

食祈陽蓋鄉名也漢書食茲氏縣名也地理志屬太原武泉地理志屬

雲細陽地理志屬汝南卒諡文侯按姚氏云三輔故事曰滕文

人謂之馬冢博物志曰公卿送嬰葬至東都門外馬不

行踏地悲鳴得石銘曰佳城鬱鬱三千年見白日吁嗟

室乃葬之灌嬰號昌文君亦稱宣陵君皆非食杜平鄉

謂食杜縣李必駱甲二人名也姚氏按漢紀桓帝延熹

之平鄉三年追錄高祖功臣李必後黃門

丞遂為晉陽關內侯也

柘公王武

按柘縣令也柘縣屬陳

連尹

蘇林曰楚官也按左傳連

敖連尹

畱公族高密

畱縣令稱公族其名也高密縣名在北海漢書作假密地名不知所

孰是

僮取慮徐

取音秋慮音閭取又音趨僮徐是二縣取慮是一縣名

破楚騎

平陽

小顏云此平陽在河南地理志太山有東平陽縣

頤鄉

徐廣云苦縣有頤鄉音以之反吳

郡長

下有郡守此長即令也如淳以為雄長非也

砭石

服虔音沙劉氏音于卧反

注一作

銖

按漢書作肥銖

余與他廣通

按他廣樊噲之孫後失封然亦訝太史公序蕭曹樊勝之功悉

具則從他廣而得其事故備也

史記索隱卷二十二

欽定四庫全書

史記索隱卷二十三

唐 司馬貞 撰

張丞相列傳第三十六

陽武人

按縣名屬陳留

柱下方書

周秦皆有柱下史謂御史也所掌及侍立恒在殿柱之下

史謂御史故老子為周柱下史今蒼在秦代亦居斯職方書者如淳以為方技謂小事書之於方也或曰主四方文書也姚氏以為下云明習天下圖書計籍主郡上計則方為四方文書是也

伏質

小顏云質據也

為主計

謂改計相之名更名主計也此蓋權時立號也

為職志

官名也職主也志旗也謂掌旗

懺之官也

東廂

韋昭曰殿東堂也小顏云正寢之形幾廢音昌志反

上音

不知所出

謂不知其計所出也

極知其左遷

按諸侯王表云左官之律韋昭

以為左猶下也禁不得下仕於諸王也然按地道尊右右貴左賤故謂貶秩為左遷他皆此類也

注諡

悼

按漢書列傳及表咸言周昌諡悼韋昭云或諡惠非也漢書又曰傳子至孫意有罪國除景帝復封昌孫

左車為安陽侯有罪國除

若百工

按晉灼說以為若預及之辭為得也

注文帝二年

徐

氏據漢書為說而誤云二年裴駘又引任安書證為得其實

子康侯代

按漢書云傳子至孫毅有

罪國除今此云康代八年子類代侯則毅即類也與漢書略同也

材官蹶張

孟康曰主張強弩又

如淳曰材官之多力能踰強弩張之故曰蹶張蹶音其月反漢令有蹶張士百人是也

隊率

所類反

壻垣

如淳音畏懦之懦乃喚反韋昭音而緣反又音輓

故他官居其中

漢書作冗官謂

散官

娒娒

側角反小顏云持整之貌漢書作蹠蹠音初角反

注一作斷一作蹠

上斷音都亂反義如尚書斷斷猗無他技一作蹠則漢書文也

韋丞相

自車千秋以下皆褚先生等所

記然丞相傳都自省略漢書則備

繁君

繁姓也音婆

太史公曰深惟

按此論匡衡已

來事則後人所述也而亦稱太史公其序述淺陋一何誣也

酈生陸賈列傳第三十七

高陽人

按高陽屬陳畱園縣高陽鄉名也故耆舊傳云食其高陽鄉人

落魄

按鄭氏云魄音薄應

邵云志行衰惡之貌也

握齟

應劭曰齟音若促鄒氏音龔角反韋昭云握齟小節也

好苛禮

按荷亦作荷賈逵云荷煩也小顏云荷細也

適食其里中子

適音釋服虔蘇林皆云沛公騎

士適是食其里中人也按言適近作騎士

莫為我先

按先謂先客言無人為我作介紹也

洩溺

上所由反下乃弔反亦如字洩即溺也

踞牀洗

按樂彥云邊牀曰踞

豎儒

按豎者僮僕之稱沛

公輕之以比奴豎故曰豎儒也

王者以人為天

按此語出管子

工女

謂女工巧也漢書

作紅音功

適卒

上音直葦反按通俗文云罰罪云謫即所謂謫戍又音陟葦反卒粗忽反

漢反却

自奪便

以言不取教倉是漢却自奪其利便

方舡

按方舡謂並舟也戰國策方舡積粟循江而下

也利而不能授

圭角漢書作玩言玩惜不忍授人也

破北魏

謂魏豹也豹在河北故也亦謂西魏以大梁在河南故也

子疥

音界更後封武遂三世地

理志武遂屬河間按漢書作武陽子遂衍文也

陸賈楚人

按陳留風俗傳云陸氏春秋時陸渾國之

後晉侯伐之故陸渾子奔楚賈其後又陸氏譜云齊宣公支子達食采於陸達生發發生畢適楚賈孫也

尉

他趙他為南越尉故

魑結

撮上直追反下音計謂為髻一撮似椎而結之故字從結按

其魑結二字依字讀之亦得謂夷人本被髮左衽今化同其風俗但魑其髮而結之

真定

趙地也本名東

恒屬**抗衡**

按崔浩云抗對也衡車扼上橫木也抗衡言兩衡相對拒言不相避下

蹶然蘇

音殿禮記子夏蹶然而起埤蒼云蹶起也

何渠

劉氏音詎漢書作遽字小顏以為有何迫促不如漢也

囊中裝

音托按如淳云以為明珠之屬也又按詩傳曰大曰囊小曰囊埤蒼云有底曰囊無底曰囊謂

以寶物也

卒滅趙氏

按韋昭云秦伯益後以趙同出非廉至造父有功於穆王封之趙城

由此一率不過上音律下音戈數見不鮮上朔現二音謂時時來見汝也不鮮言必

令鮮美作食莫令見不鮮之物也漢書作數擊鮮如淳云新殺曰鮮無久恩公為思惠也公賈自

謂也言汝諸子深念深念深思之也食三萬戶按陳平傳食戶五千以曲逆秦

時有三萬戶恐梁父侯史失名如淳注漢書云遂布臣非也臣瓚曰布不用梁父侯計

遂反耳其發喪按劉氏云謂欲葬時須啓其殯官故云發喪也義不知君按崔浩云

建以母在義不按說文稅贈終服也百金往稅按說文稅贈終服也閱籍按

幸傳云高祖時有籍儒孝惠時按如淳說以諸呂至深按如淳說以

有閱儒令總言閱籍儒誤也按如淳說以諸呂至深按如淳說以

小顏云辟陽侯與諸呂按下文所召其子為太中大夫謂與太史

相知至深重得其理也

公善

者

傅靳蒯成列傳第三十八

起橫陽

按橫陽邑名在韓韓公子成初封橫陽君張良立為韓王也

共德君

謂號耳非地邑

共音

食邑雕陰

按孟康徐廣云縣名屬上郡

待懷

按服虔云待高祖於懷縣小顏按地

恭

理志屬河內今懷州也

屬淮陰

張晏云信時為相國云淮陰者終言之也

殘博

博太山縣也顏

祕監云屬曹參以殘破博縣也

為代丞相將屯

如淳云漢初諸王官屬如漢朝故代有丞相按

孔文祥云遼郡有屯兵寬為代相國兼領屯兵後因置將屯將軍也

靳歙

音翕然之翕也

邢說軍

邢姓說

菑南

上音災今之考城屬濟陰也

趙將賁赤軍

漢書作趙賁軍按此在河

北非曹參樊
噲之所擊也

東至繒

按地理志繒屬東海

江陵王

按孔文祥云教子共尉也

斬

竹

二邑名上音機竹即竹邑

猗丞相敞破之

小顏云侯敞

事國人過律

按劉

氏云役使也謂使人違律數多矣

蒯成侯縹者

姓周名縹縹音辭蒯者鄉名按三倉云蒯鄉在

城父漢書作蒯字從蒯從邑今書本並作蒯音管蒯之蒯蘇音苦催反晉灼按功臣表屬長沙崔浩音苦壞反

楚漢春秋作憑成侯則陪憑聲相近或得其實也

注縹子應為鄆侯

蘇林音多屬陳留地

理志云沛郡有多縣按此文云子居表云子應不同也

操心

音倉高反

劉敬叔孫通列傳第三十九

劉敬

本姓婁漢書作婁敬高祖曰婁即劉也因姓劉耳

脫輓輅

輓者牽也音晚輅者鹿車前橫

木二人前輓一人後推之音胡格反鮮衣上音仙鮮衣美服也附離按謂使離者相附也義見莊子

天府

按戰國策蘇秦說惠王曰大王之國地勢形便此所謂天府高誘注云府聚也搯其亢音

厄亢音胡胡反一音胡剛反蘇林以為亢頸大脉俗字謂胡脉即日駕西按謂即日西都之計定也

奉春君

按張晏云春為歲之始以其首謀都關中故號奉春君羸瘠上力為反下音稷瘠瘦也

漢書作齒音漬沮吾軍

沮才叙反詩傳

沮才叙反詩傳擊敬廣武地理志縣

名屬雁門河南白羊樓煩王

按張晏白羊國名二者並在河南按在朔方之河南舊並匈奴

地秦亦謂徙所言十餘萬口

按小顏云今高陵櫟陽諸田華陰好時諸景及三輔

諸屈諸懷尚多

叔孫通者辭人

按楚漢春秋云名何辭縣名屬魯國也衣

一襲

按國語云一稱賈逵按禮記袍必有表單衣必有裳謂之一稱杜預云衣單複具云稱也

楚製

按孔文祥云短衣便事非儒者衣服高帝楚人故從其俗裁製

大猾

按類集云猾狡也音滑

拳旗

上音起馬反又已勉反按方言云南方取物云拳許慎云拳取也

注阢之

按王逸云阢山名又按坤

蒼云在楚地

綿叢

徐音子外反如淳云剪茅樹地為纂位尊卑之次蘇林音纂韋昭云引繩為綿立表

為叢音茲會反

注茅莧

按賈逵云束茅以表位為莧又纂文云莧今之纂字也愷音即悅反又音纂

習肄

肄亦習也音異

朝十月儀

按小顏云漢以十月為正故行朝歲之禮史家追書十月也按

諸書云十月為歲首不言以十月為正月古今注亦云羣臣始朝十月也

傳言趨

按小顏云傳聲教入

者皆令趨趨疾行為敬也

九賓臚傳

漢書云設九賓臚句傳蘇林云上傳語告下云臚下傳語上云

句臚猶行者矣韋昭云大行人掌賓客之禮今謂之鴻臚也九賓則周禮九儀也謂公侯伯子男孤卿大夫士

也漢依此以為臚傳也以次傳令上也向秀注莊子云從上語下曰臚音間句音九注反輦出房興

服志云殷周以輦載軍器職載報職傳警上職音懺亦芻豢至泰始去輪而輿為尊也

儀云帝輦動則左右置法酒按文穎作酒法令也姚氏侍帷幄者稱警是也

不過三爵君臣百拜攻苦食啖按孔文祥云與帝共攻終日宴不為之亂也

文云淡薄味願先誅楚漢春秋蕭何云臣三諫不從請也音唐敢反願先誅以身當之撫劍將自殺上離席云

吾定計不間往數蹕韋昭云蹕止人行也按長樂未央易太子

中間往來清過舉按謂舉動有過也櫻桃按呂氏春秋道煩於人也

桃先薦寢廟高誘云進舍桃也鶯鳥所舍故曰舍桃今之朱櫻即是也

若詘

音屈

委蛇

蛇音移

季布樂布列傳第四十

任俠

上而禁反下音協如淳曰相與信為任同是非為俠稚行川里力折公侯者其說為近

注俠

僂

下音普丁反其義難喻

廣柳車

按服虔臣瓚所據云東郡謂廣轍車為廣柳車及茂陵書稱每

縣廣柳車數百乘則凡大車任載者通名廣柳車然則柳為車通名鄧展所說柳皆棺飾載以喪車欲人不知也事義相協最為通允故禮曰設柳翬為使人勿惡也鄭玄注周禮云柳聚也諸飾所聚也則是喪車稱柳後入通謂車乘軺車
按謂輕車一馬車也
使酒難近
使音如字近音其靳反使酒謂為柳也

因酒縱性謂之使酒即酗酒也

無功竊寵

季布言己無功能竊承恩寵得待罪河東其詞典省而文

也
數招權顧金錢義如孟康韋較姑角袁絲盎字中司

馬漢書作中尉之司馬竊籍其名籍音子亦反布母弟丁公按謂布之舅也為

家人時謂居家之人無官職趣亨上音促下音普盲反謂疾命赴鑊也提趣上音啼下音趨

趣湯上音娶徐廣云一作走走趣向之也身履軍按徐氏云一作履按下云塞旗則履軍為是勝

於屢之
與履

袁盎鼂錯列傳第四十一

袁盎音如周禮盎音烏浪反主在與在按如淳云人主在時與共理在時之事也亾與

亾如淳云不以人主亾而不行其政令按如說為得上益莊莊嚴也責育責孟責育夏育

也尸子云孟賁水行不避蛟龍陸行不避兕虎戰國策曰夏育叱呼駭三軍身死庸夫高誘曰育為中繡所殺

貞音奔也常侍騎按漢書儀云持節夾乘不垂堂按張揖云

中人或云臨堂不騎衡張晏云木衡馬也如淳云騎音

邊垂恐墮墜也注欄楯按纂要云宮殿四面

云衡車衡也騎音倚謂跨辟吾親按張晏云辟隱也言自

也治之有絕按謂有絕不以親為解按謂不以親為辭也

刀決張其後語塞按鄒氏云塞當作露非也按以盡言

而自解絕梧生文穎云梧音陪鼂錯按朝氏出南陽今西鄂是

也

氏謂子朝之後也

軹張恢生所

軹縣人張恢先生所學申商之法

掌故

服虔云百石卒

吏漢舊儀云太常博士弟子試射策中甲科補郎中乙科補掌故也

注術岸高

按韋昭云本無術字

或云術道路也

曰峭

七笑反峭峻也

墻垣

上音乃戀反謂墻外之短垣也又音而緣反

喋口

上音其錦反又音其禁反

張釋之馮唐列傳第四十二

堵陽

韋昭音齧又音如字地名屬南陽

訾

音子移反字苑云貲積財也

卑之無甚高

按卑下也欲令且卑下其志無甚上林尉漢書表上林高談論但令依時事無說古遠也

尉百官志尉秩三百石

諜諜

音牒漢書作喋喋口多言

徒文具

按謂空具其文而無其實也

北臨廁

劉氏音初吏反按李奇曰霸陵北頭廁近霸水蘇林曰廁邊側也包愷音側義亦兩通也

走

音奏按走猶向也

猗瑟

上音於瑟聲相依倚也合於瑟聲相倚倚也

紵絮

上張呂反下息應反

靳陳絮漆其間

靳音側略反絮音女居反按靳陳絮以漆著其間也

錮南山

按張晏錮

鑄也帝北向故北山回顧向南故云南山今按大顏云北山青石肌理密堪為碑擲至今猶然故秦本紀作阿

房或作鄴山石擲是也故帝欲北山之石為擲取其精牢釋之答言但使薄葬冢中無可貪雖無石擲有何憂

焉若使厚殉冢中有物雖并銅南山猶為人所發掘也言南山者取其高厚之意張晏殊失其旨也

出中

渭橋

張晏臣瓚之說皆非也按今渭橋有三所一所在城西北咸陽路曰西渭橋一所在東北高陵道曰

東渭橋其中渭橋在古城之北也

公共也

小顏云公謂不私也

廷尉當是

按崔浩云當謂

處其罪也按百官志云廷尉平刑罰奏當所應郡國讞疑罪皆處當以報之也以法奏之按法者依

律以一音步侯反按禮運云汙尊而抔飲鄭氏云抔斷也一音步侯反按禮運云汙尊而抔飲鄭氏云抔杯音步侯反按禮運云汙尊而抔飲鄭氏云抔

音並通又音普回反圻者壻之未燒之名也注一坏土張晏云不欲指言故以取土譬者蓋不欲言盜開長陵

及說傷迫近先帝故也釋之恐謂帝為太子時與梁王入朝不結謂帝為太子時與梁王入朝不

襪上音如字又音計取容當世謂性公直不能曲屈見容於當世故至免官不仕也為中

郎署長按謂為郎署之長也輦過下音茂謂文帝乘輦曾過郎署何自為郎按崔浩云

自從也帝訪唐何從為郎又小為官卒將按國語闔閭云年老矣乃自為郎怪之也

行行頭皆官將徐廣注百人為徹行將帥按國語百人為徹行行頭

皆官師賈逵云百人為一隊也官師隊大夫也唐曰主臣按樂彥云人臣進對前稱主臣猶上書前

云味死按志林云馮唐面折萬乘何言不懼主臣為驚怖其言益著也又魏武謂陳琳云卿為本初檄何乃言

及上祖琳謝云主臣益明主朝上音朝早也下音乃何反縣名屬安定也

都尉按都尉姓孫名邛注音其軍市之租按謂軍中止市有稅稅即租

也選車按六韜書有選車之法穀騎萬三千如淳云穀音構穀騎張弓之騎也百

金之士晉灼云百金取其貴重也服虔曰良士直百金也劉氏云其功可賞百金者事見管子及爾雅

東胡按崔浩云烏丸之先也國在匈奴之東故云東胡也澹林上丁甘反一本作檐檻趙幾

霸幾音祈其母倡也按列女傳云邯鄲之倡郭開按開是趙之寵臣戰國策云秦多與

閒金使

為反間顏聚

音以喻反漢書作最本齊將也

私養錢

按漢書市肆租稅之入為新私奉養

如淳云廩假錢也

五日一椎牛

椎音直追反擊也

尺籍伍符

按

籍者謂書其斬首之功於一尺之版伍符者命軍人伍伍相保不容奸詐

注故行不行

按謂故命

人行而身不自行奈勞二歲也故與雇同

莫府

按莫訓大也又崔浩云古者出征無常處以幕為府舍故

云莫府莫當為幕古字少耳

不相應

音乙陵反按謂數不同也

萬石張叔列傳第四十三

馴行

音

戚里

小顏云此上有姻戚者皆居之故名其里為戚里長安記戚里在城內

譙讓

上才笑反

譙讓為便坐

上于偽反下便音婢綿反蓋謂為之不處正室別坐他處故曰便坐坐音

如字便坐非正坐處也故王者所居有佳燕燕謂閒燕之時燕安

也入子舍

按劉氏謂小房內非正室也小中帟廁按

謂父也中帟近身衣也蘇林曰廁音投又音豆孟康曰

廁行清廁行清中受糞函也言建又自洗盥廁實寶者

洗除穢汙之穴也又晉灼云今世謂反開小袖衫為侯

未知其義何陵里按小顏陵里名在茂注趙同坐耐

從恐非也金按漢書無名數四十萬按小顏云無名數歸難乎音

彈反言欲建陵侯地理志縣戲車按應劭云能左右趨

歸於何人戲乘按今亦有弄車之

戲注轅機轉轅音歷謂趨踰之也不唯呵誰何二音誰

轅音衛謂車轆頭何猶借訪也

一作譙阿譙責讓也言不噴責綰也施易上音移下音亦無他腸小顏云心腸之內無他惡也

誅栗卿

栗姬之兄弟蘇林云栗太子之舅也

如職所奏

已不言但守職分而有所奏議

也

塞侯直不疑

按塞國名今桃林之塞也直姓也不疑名也與雋不疑同字

妄意不

疑

謂妄疑其盜取將也

善盜嫂

按小顏云盜謂私之

仁為人陰重不泄常衣

弊補衣溺袴

按其解二各有理服虔云周仁性質重不泄人之陰謀也小顏云陰密也為性密重

不泄人言也霍去病少言不泄亦類也其人又常衣弊補衣及溺袴故為不潔清之服是以得幸入卧內也又

張晏云陰重不泄陰下溼故溺袴是以得比宦者出入後宮也仁有子孫者先未得此疾病所生也二者未知

誰得其

期為不潔清

謂心中常期不潔之服則祕戲謂

官中戲劇

張歐

音鳥後反漢書作歐孟康音驅也

安丘侯說

悅

治刑名

言

按劉向別錄云申子學號曰刑名家者循名以責實其尊君卑臣崇上抑下合於六經也說者云刑名家

即太史公所說六家之一也

塞侯功微而周文處調

按直不疑以吳楚反時為二十

石將景帝封之功微也周文處調者

為郎中令也陰重得幸出入卧内也

田叔列傳第四十四

田叔按下文

田叔字少卿

涇城人也

音刑按縣名屬中山

樂巨公

本燕人樂毅之後

蟲

出

按謂死而蟲出也左傳齊桓公死未葬蟲流於戶外是也

搏二十

音博

暴坐

上音步

將車

將車猶御車也

因占著名數

言卜占而自占著名口名數餘於武功猶今附籍然也占

將車

將車猶御車也

因占著名數

言卜占而自占著名口名數餘於武功猶今附籍然也占

音之

無豪易高也

易音以政反言邑小無豪易得高名也

為詳耶

詳音羊謂詐受

節不發兵不傳會太子也


不傳事可也

傳音附謂不附會也

鮮好者

上音仙謂太子請其

鮮好之兵甲也



史記索隱卷二十三

欽定四庫全書

史部

史記索隱卷二十四至

七

詳校官侍講學士臣法式善

洗馬臣王坦修覆勘

總校官編修臣王燕緒

校對官編修臣王允中

謄錄監生臣薛夢斌

欽定四庫全書

史記索隱卷二十四

唐司馬貞撰

扁鵲倉公列傳第四十五

鄭人

按勃海無鄭縣當為鄭縣音莫今屬河間

為舍長

劉氏云守客館之帥

長桑君

隱者

蓋神

以上池之水

按舊說云上池水未至地蓋承取露竹木上水取之以和藥服之三十日

當見鬼

見垣一方人

方猶邊也言能隔牆見彼邊之人則

診脈

上鄒氏音

史忍友劉氏音陳忍反司馬彪云診占也

當晉昭公時

按左氏簡子專國在定頃二公之時非當

昭公之世且趙系家
此事亦在定公之初

簡子疾五日不知人
按韓子云十日不知

人所記

公孫支子輿

按二子皆秦大夫公孫支子桑也子輿未詳

適有所學

適音釋言我適來有

號太子

按傳玄云號是晉獻所滅先此百二十餘年此時焉

得有號則此云號太子非也然按號後

喜方

喜音許既反喜好也

受也方方
伎之人也

魘

魘音厭又音跌

鏡石橋引案机毒魘

鏡音七咸反謂石針也橋音九兆反謂為按摩之法天

使調也毒魘謂毒病也輸音束搦髓腦撲荒搦音女角反撲音古撲荒

膏荒也
瓜幕幕音漠漠病也

不可曲止也

止語助也不可委曲具言目

眈然而不瞋

眈音聯
瞋音舜

舌橋然而不下

橋音紀兆
反橋舉也

寡臣

謂

君自謙云己是偏遠
之國寡小之臣也

服臆

上音皮力
反下音憶

長潛

音山長潛謂
長垂淚也

承映

音接映即眈也承映言
淚恒垂以承於眈也

纒

音直
延反

子陽

陽扁鵲之
弟子也

厲

鍼砥石

鍼音針厲謂
摩也砥音脂

五分之熨八減之齊

按言五分之
熨者謂熨之

令溫暖之氣入五分也八減之齊者謂藥
之齊和所減有八並越人當時有此方也

齊桓侯客之

按傳玄曰是時齊無桓侯裴駟云謂是齊侯
田和之子桓公午也蓋與趙簡子頗亦相當

痺音必當

傳西之長安

傳音竹戀反
傳乘傳送之

緹縈

緹音啼縈
音紆營反

數忤食飲

忤音

疑乙反忤者風痺
忤然不得動也

重陽

上音直
隴反

過心

過依
字讀

湧疝

上音勇
下音訕

所諫反鄒誕生疝音山也前後洩音所留反前洩謂小便後洩大便也風痺容腴瘕病也音

豐腴音普交反字或作胞滫音劉氏跗音方符反適其共養適音釋共音恭按謂山跗家適

近所持財物共養我我不瘕劉氏音加雅反舊音遐鄒氏音嫁迴風云

飲食下噎輒出之是風疾洞徹五藏故曰迴風灑水灑音士咸反濟北王阿母按是王之

妳母也病旋已言尋則已止也案法新謂於舊方伎能生新意也四百七十萬

曹偶四人按當今之四千七百貫也曹偶猶等輩也即仆於廁仆音赴又音步北反懷

子而不乳乳音人喻反乳生也旋乳旋乳者言迴旋即生也血如豆比五六

枚比音必利反大蟲即蛭也拊其頭拊音附又音撫即竄以藥謂以藥燠之故

云竄音
七亂反

汜

凡音

蛟

瘕

音饒

擢舊

宛

字又如

循

其尺

其尺

索

刺

刺

刺

刺

龕而毛美奉髮

循音巡

按謂手

循其尺

索也

刺音七

賜

反

龕

是婦人

之病也

徐氏云

奉一作

擊非其

義也

閤都尉

又云一作秦秦謂秦首言髮如蟬螬事蓋近也

閤

都

尉

尉

按閤者姓也為都尉一云閤即

番

陰

脉

袁反

邪

氣

辟

辟

辟

辟

辟音必亦

反

猫聚也

愈

深

愈音

入

缺

盆

死

按缺盆人乳

房上骨名也

沓

風

沓音

徒合

合

合

合

反風病

瘡

瘡者失瘡也

讀如音

又作

厝厝

公

乘

項

處

按

公

乘

項

處

公

乘

項

處

乘官名也

項姓處名

故上云倉

公之師元里公乘陽慶亦然也

壯

疝

上音母下

旦

日

日

日

日

日

日

日

日

日

日

日

夕死

按旦日明日也

言

脈

得

番

陽

脈病之名曰番陽者

以言陽脈之翻入虛

虛

虛

虛

虛

虛

虛

虛

虛

虛

虛

虛

虛

裏也 有數者能異之 數音色佳反謂術數 方數 數音術 注

一作董 謹音 為古傳方 謂好能傳 不為愛公所 言於意所

術也 吾年中時 按年中謂中年時也 中年 楊中倩 倩音七

姓名 意好數 數色句反謂 聖儒 言意儒德慕聖人

吳王濞列傳第四十六 右五宗之國俱享大邦雖復逆

社之國哉然淮南猶有後不絕衡山亦其罪差輕比三

卿之分晉方暴秦之滅周可不優乎安得出其王國不

上同五宗三王列於世家其吳濞請與楚元

王同為一篇淮南宜與齊悼惠王為一篇

吳王濞 按濞濞字也 間行 謂獨行從他道逃 郃陽 地理

音披位反 志馮

邙縣名在郛水之陽音合

蕘西會甄

地名也在蕘縣之西會音古兌反甄音鍾

填鎮

音拊

拊音

漢後五十年東南有亂

按應氏之意以後五十年東南有亂本是占氣者所

說高祖素聞此說自以前難未弭恐後灾更生故說此言更以戒渾如渾之說亦合事理

豫章

按鄣郡後

改曰故鄣或稱豫章為衍字也

吳太子

姚氏案楚漢春秋云吳太子名賢字德明

提

音啼又音底又

弟秋請

音淨孟說是也應劭所云斷獄先請不知何憑如淳云代已致請亦是臆說且文云使人為秋

請謂使人為此秋請之禮也

察見淵中魚不祥

按此語見韓子及文子韋昭曰知臣下陰

私使憂患生變為不祥故當赦宥使自新也

銅鹽

按吳國有鑄錢煮鹽之利故百姓不別徭賦也

卒

踐更輒與平賈

按漢律卒更有三踐更居更過更也此言踐更輒與平賈者謂為踐更合自出

錢令王欲得人心乃與平價官讐之也
即山即山山名又
河間郡按漢書作常山

郡詭音徒反**舐糠及米**按言舐糠盡則至米謂
瞿然劉氏音九

具反又說文云瞿遠視貌音九縛反而愁勞聖人之所以起按所謂殷憂

越直長沙者服虔云直音值謂其境相接也
因王子定長沙以北按謂

之地與長沙地相接值者因搏胡衆搏音專專謂
擅適

過適音值**鉞殺吳王**上音七江反謂以戈刺殺之鄭

殺張勃云吳王濞葬丹徒縣南其地
由父省音

景反省者減也謂父仲爭技謂與太子爭
從代王省封郃陽侯博為爭技也

魏其武安侯列傳第四十七

父世觀津

按地理志觀津縣屬信都以其累葉在觀津故云父世也

宗室諸竇

按謂

宗室之中及諸竇之宗室又姚氏按酷吏傳周陽由父趙兼以淮南王舅侯周陽故因改氏由以宗室任為郎則似是與國有親戚屬籍者亦得呼為宗室也相提而論提音弟又音啼相提猶相抵也論音路頓

反螫將軍

上螫音釋謂怒也毒蟲怒必螫人又音火各反漢書作與即螫也

母類矣

謂見

誅滅無遺類

臣有愛

音如字愛猶惜也

沾沾

音檐又音當牒反小顏音他兼反

注一

作怙

音如字又天牒反

注怙音憺

音尺占反

田蚡

扶粉反如蚡鼠之蚡音墳

晚節

按謂晚年也

推轂趙綰

按推轂謂自昇下之如謂之推車轂也

除關

謂除關門之稅以

禮為服制

按其時禮度踰侈多不依禮今令吉凶服制皆法於禮

適諸實

上音直格反

士郡諸侯

按謂仕諸郡及仕諸侯王國者猶言仕郡國也

武安貌侵

按服虔云侵短小也

韋昭云刻确也按确音刻又孔文祥侵醜惡也音寢

生貴甚

按小顏云謂自尊高示貴寵其說疎也按

生謂蚡自生尊貴之勢特甚故下云諸侯王多長年也蚡以肺腑為相非痛折節以禮屈之則天下不肅者也

以肺腑為京師相

肺腑音府肺音廢言如肝肺之相附又云柿木札附木皮也詩云如塗塗附

以言如皮非痛折節

按痛甚也欲令其折節屈下於己之附木也

節下士非也按下文不讓其兄蓋侯知非也

立曲旃

按曲旃旌旗柄上曲僭禮也通帛曰旃說文曰

曲旃者所以招士也

潁陰侯灌何

按何是嬰子漢書作嬰誤也

搏甫

上音博謂擊也

已

諾

上音以謂已許諾必使副其前言也

引繩批根

按劉氏云二人相倚事如合繩共相依引也批

音步結反批者排也漢書作排排根者蘇林云賓客去之者不與通也孟康云音根格謂引繩排彈其根格平

生慕嬰交而棄者令不得退也小顏作根音痕務音下各反駟謂引繩排彈根括以退之者也注持彈

按漢書本作抨彈音普耕反

仲孺有服

按服謂期功之服也故應璩書曰仲孺不辭同生之服是

也以服請宜往

按徐廣云以服請不宜往其說非也正言夫請不以服為解蚡不宜妄言也故

駕自迎之也

屬丞相

上之欲反屬猶付也小顏云若今之舞訖相勸也

取燕王女

按蚡

娶燕王劉澤子康王嘉之女也

注一作畢

按漢書作畢畢盡也

注灌嬰孫

按漢書云臨汝

侯灌賢則嬰之孫臨汝是改封也

女兒

猶云兒女也漢書作女曹兒曹輩也猶言兒女輩也

咕囁

耳語

帖鄒音虫輒反說文附耳小語也

李將軍地乎

按小顏云言今既毀程令

李何地自安

斬頭陷匈

韋昭云言不避死也漢書作穴匈

辟倪

上普係反下五係反埤倉

云睥睨邪視也

不折必披

按包愷音足皮反

藉吾第

按晉灼云藉蹈也以言蹂藉之

為

石人耶

謂帝不如石人得長存也

設百歲

按設者脫也

共一老秃翁

按謂共治

一老秃翁指竇嬰也服虔云首胤一前一却也

君何不自喜

按小顏云何不自己謙遜為可喜之事

音許 齧舌

按說文云齧齧也音側革反

繫都司空

按百官表云宗正屬官主詔獄

大

行無遺詔

按尚書無此景帝崩時大行遺詔乃魏其家臣印封之如淳說非也

五年十月

徐氏非者校武紀四年五月蚡薨疑竇嬰在前令云五年故疑非也

病痲

音肥又音扶味反風病也

十

二月晦

張晏云見日月者蓋春垂至恐遇赦贖也

衣襜褕

上尺占反下音踰謂非正朝衣若婦

人服也表云恬坐衣不敬國除

不直武安

按武帝以魏其灌夫事為枉於武安侯為不直特為太后

故耳

韓長孺列傳第四十八

梁成安人

按徐廣云在汝潁之間漢書地理志縣名屬陳留

騶田生所

按安國學韓子

及雜家說於鄒縣田生之所

將扞

上音醬下音汗

注景帝姊

按即館陶公主

弗省也

音仙井反省者察也

苛禮

按謂苛細小禮以責之

抵罪蒙

上音丁禮反蒙縣名屬梁國也

任

鄙縣

上音丑亞反字如婉化者諺也漢書作嫪音火亞反

注一作紆

音寒反

足與治

乎按謂不足與繩持之治音持也

主辱臣死

此語見國語

悅一邪臣

上音悅漢書作

怵說文云怵誘也

自古不屬為人

按晉灼云不內屬於漢為人

聶翁壹

聶姓

也翁壹名也漢書云聶壹

武州塞

地理志縣名屬雁門又崔浩云今平城直西百里有武州城也

逗

橈

按應劭云逗曲行而避敵音豆又音住住謂留止也橈屈弱也女孝反云橈顧望也

而出於忠

厚

按出者去也言安國為人無忠厚之行

郅他

上音質下徒何反謂三人姓名也壹遂也臧固也郅

他也若漢書則云至他言至於他處亦舉名士也

龍城

龍音

李將軍列傳第四十九

世受射

按小顏云世受射法

良家子

按如淳云非醫巫商賈百工也

為郎武騎常

侍

按謂為郎而補武騎常侍

為騎郎將

小顏云為騎郎將謂主騎郎也

屬國公孫昆

邪

按典屬國官名公孫姓也昆邪名服虔云中國人包愷云昆音魂也

中貴人

按董巴與服虔云黃

門丞至密近使聽察天下謂之中貴人使者崔浩云在中而貴幸非德望故名不見也

射雕

按服虔云

雕鷄也說文云似鷲墨色多子一名鷲以其毛作矢羽韋昭云鷲一名雕也

無部伍行陣

按百

官志云將軍領軍皆有部曲大將軍營五部部校尉一人部下有曲曲有軍候一人也

自便

音去聲

刁斗

上音貂按荀悅云刁斗小鈴如宮中傳夜鈴也蘇林云形如鎗以銅作之無緣受一斗故云刁斗鎗

即鈴

注銅作焦

斗似焦音焦

莫府

按大顏云凡將軍謂之莫

府者蓋兵行舍於帷帳故稱莫府古字通用遂作莫爾雅訓莫為大非

斥候

按許慎注淮南子云斥度

候視也

故潁陰侯孫

按灌嬰之孫名強

霸陵尉

按百官志云尉大縣二人主盜

賊凡有賊發則推索尋按之也

竟死

謂終竟廣身至死以為恒也

大黃

按大黃黃間弩名也故韋

昭曰角弩也色黃體大是也

有功中率

中音丁仲反率音律亦音雙筆反小顏云率謂軍功封賞

之科著在法令故曰中率

在下中

按以九品而論在下之中當第八

不為後人

按謂不在

人今得當單于

按廣言自少時結髮而與匈奴戰唯今者得與單于相當遇也

數奇

按

虔云作事數不偶也音朔也小顏音所具反奇蕭該音居宜反

食其

音異基按趙將軍名也或亦依字讀

叅導

謂無人導引

韓嫣

或音偃又音許乾反

園墺地

人絹反又音乃段反又音

圖宣反按墺地神道之地也黃圖云陽陵門西出神道茂陵神道廣四十三丈也

恨其父

小顏云令

其父恨而死

上雍

劉氏音尚大顏云雍地形高故云上

天山

按晉灼云在西域近蒲類海又西河

舊事云白山東夏有雪匈奴謂之天山也

悛悛

音七旬反漢書作恂恂音詢

下自成蹊

按

氏云桃李本不能言但以華實感物故人不期而往其下自成蹊徑也以喻廣雖不能出辭能有所感而忠信物故也

衛將軍驃騎列傳第五十

衛媼通

媼姓也媼婦人老少通稱漢書曰與主家僮衛媼通按既云家僮故非老或者媼是老稱後追

稱媼耳又外戚傳云姬父與魏王宗女魏媼通則亦魏是媼姓而小顏云衛者舉其夫姓也然按此文云侯妾衛媼似更無別夫也下云同母兄衛長君及姊子夫皆冒衛姓又似有夫其所冒之姓為父與母未明也

平

陽公主家

按如淳云本陽信長公主平陽侯所尚故稱平陽主

注夷侯時

按徐廣云夷侯

曹參曾孫名哀又按世家及功臣表時或作疇漢書作壽並文字殘缺故不同也

先母之子

漢書作民母服虔云母嫡妻也青之適母顧氏云鄭季本妻編於民戶之間故曰民母今本亦或作民母也

兄弟數

音去聲

長女衛孺

漢書云君孺

往篡取之

篡猶劫也奪也

建章

宮

按晉灼云上林中宮名也

衛夫人有男

即衛太子據也

至高闕

按山名也小顏云一

曰塞名在朔方之北

河南地為朔方郡

按謂北地郡之北黃河之南

岸頭侯

按晉

灼云河東皮氏縣之亭名也

薄代獫狁

此小雅六月詩美宣王北代也薄代者言逐出之也

按

榆谷舊塞

如淳云按行也尋也榆谷舊塞名也按水經云上郡之北有諸次水東經榆林塞為榆谿

是榆谷舊塞也**破符離**晉灼云二王號崔浩云漢北塞名**裨王十人**賈逵云裨益也小顏

云裨王小王也若**立號而歸**按謂立大將軍之號令而歸**傳校獲王**

裨將然音頻移反顏秘監云傳領也五百人謂之校以致克捷而獲王**合騎侯**按非邑地而以戰功為號謂以軍合驃騎

故云合騎若冠**出窳渾**音庾服虔云塞名徐廣云在朔方漢書作窳渾窳音田也**搏**

軍從驃然也**戰獲王**上音搏搏擊也小顏同今史漢本多作傳猶轉也**南竊侯**徐音匹教反韋昭云縣名

或作害音子校反與**周霸**徐廣云儒生也按郊祀志議封禪有周霸故知也**票**

穴下卯並音匹教反姚上音匹遙反下音遙大顏按荀悅漢紀作票**斬捕首**

虜過當按小顏云計其所將人數則捕首虜為多過於所當也一云漢軍亡失者少而殺獲匈奴數多

故曰過音胡浪反謂藉若侯是匈奴祖之行大父行音胡浪反謂藉若侯是匈奴祖之行季

父羅姑比按顏氏云羅姑比單于季父名也小顏云比類也按下文既云再冠軍無容更言類也

討邀濮音速卜二音按崔浩云匈奴部懾懾按說文云落名按下有邀濮王是國名也懾懾按說文云

劉氏云上式涉反下之涉反休屠祭天金人按張晏云佛徒祠金人也如淳云祭天以金人

為主也屠音儲祁連山小顏云即天山也匈奴謂天祁連西河舊事謂白山天山祁連恐非即天山也

小月氏韋昭云音支西域傳大月氏本居敦煌師大率減

什三按漢書云減什七不同也小顏云破匈奴之師十減其七一云漢兵亡失之數下皆類此按後說為

是酋涂王上音才由反下音途漢書云楊武平稽沮王也得得單于單相酋涂王此文省也稽沮王

沮音子
余反

千騎將得王

按漢書云右千騎將王然則此千騎將即匈奴王之名

王及王母也或云右千

校尉句王高不識

按二人並匈奴人也呼

于屠王

按三字共為王號

僕多

按漢百官表作僕明疑多是誤

煇渠侯

上音暉

所

將常選

音宣變反謂驃騎常選擇取精兵

留落不遇

按謂遲留零落不偶合也

先要

邊

按謂先於邊境要候漢人言其欲降

漂陰侯

上音他合反按地理志縣名在平原郡

鷹庇

為煇渠侯

漢書鷹作雍庇音必二反又音足履反按漢書功臣表云元狩二年以煇渠封僕明至三

年又封鷹庇其地俱屬魯陽未詳所以

禽黎

按表作鳥黎

大當戶銅離

徐廣一作稠離

與漢書功臣表同此

獠驛

上音邱昭反說文作獠行遮貌遮一作疾驛音胡旦反

不能度幕輕留

按幕即沙漠古字少耳輕留者謂匈奴以漢軍不能至故輕易留而不去也

遲明

上音值待也待天欲明謂平明也諸本多作黎明鄒氏云黎遲也然黎黑也候天將明猶黑也殺

傷大當

以言所殺傷大略相當

谷蠡王

上音祿下音黎又音離

涉獲章渠

小顏

云涉謂涉水也章渠單于之近臣謂涉水而破獲之漢書云涉獲單于章渠也

比車耆

上必耳反轉

擊左大將

按漢書名雙

歷涉離侯

漢書作度離侯小顏云山名歷度也

弓閭

包愷

音穹亦如字讀

登臨翰海

按崔浩云北海名羣鳥之所解羽故云翰海廣異志云在沙漠北

連

行

音與卓同卓遠也

擣余山

音桃徒二音

獲屯頭王

按漢書云屯頭韓王等三人李

奇曰皆匈奴王號

復陸支

復劉氏音伏小顏音福

樓專王

漢書作剌並音專小顏音之究

反伊即軒

九言反

武昌侯安稽

故匈奴王姓趙也

校尉自為

按徐自為

也校尉敢

李廣子也

置大司馬

按如淳云本無大司馬今新置耳按前太尉其官又省今

武帝始置此位衛將軍霍驃騎皆加此官

少言不泄

按孔文祥云謂質重少言膽氣在中也周仁陰

重不泄其行亦同也

有氣敢往

謂果敢任氣也漢書作往亦作任也

穿域薨鞠

徐氏云穿

地為營域薨鞠書有域說篇又以杖打亦有限域也今之鞠戲以皮為之中實以毛薨踴為戲劉向別錄云踴

鞠兵勢所以成武事知有材力也漢書作踴鞠三倉云鞠毛可踴以為戲鞠音巨六反

象祁連山

按崔浩云去病破昆邪於此山故令為冢象之以旌功也姚氏按冢在茂陵東北與衛青冢並西者是青東者是去病冢上有豎石前有石馬相對又有石人也

諡之并武與廣地曰景桓侯

按景桓兩諡也諡法布義行剛曰景是武諡也又曰辟土服遠曰桓是廣地之諡也以去病平生有武藝及廣

邊地之功故云諡之并武與廣地曰景桓侯

子嬪

音市

最

謂凡

已為

將者十

四人

按漢書云為特將者十五人蓋通李廣也此李廣一人自有傳若漢書則七人自有傳八人附見七

人謂李廣張騫公孫賀李蔡曹襄韓說蘇建也

郁郅人

服虔音室小顏音質按北地縣名也

因杆

于

至余吾

音餘

又音徐按水名在朔方

李沮

音姐豆之姐

殺栩人

縣名在馮翊上

音都活反下音詡殺又丁外反

何與

音預

無稱焉

謂不為賢士大夫所稱舉

平津侯主父列傳第五十一

辟縣人

按辟縣屬魯國漢置菑川國後割入齊也

緣飾以儒術

謂以儒術飾文法如衣服

之有領緣以為飾也宏不得一按韋昭以宏之才非不能得一以為不可不敢逆上故耳下比

於人比音鼻比者近也丞相封平津侯按漢書漢興皆以列侯為丞相

宏本無爵乃詔封宏高成之平津鄉六百五十戶為平津侯丞相封侯自宏始也為人意思宏謂

外寬內深意多有忌害也食一肉脫粟飯按一肉言不兼味也脫粟纔脫穀而已言不精鑿也

恐竊病死按人臣委質於君死生由君天下通道五此按

語出子思子今見禮記中庸篇遭遇右武小顏云右亦上也言何恙不

已恙憂也言罹霜露寒涼之疾輕何竟以丞相終漢書云凡

為丞相御史六歲年八十終也子度嗣坐法失侯漢書云坐不遣鉅野令史成詣公車論為

城旦元始中詔復

春蒐秋獮

按宋均云宗本仁義助少陽少陰之氣因而教以簡

徒閱車

黃腫

縣名在東萊音逐瑞反注音縋

靡弊

上靡音糜弊猶彫敝也

炷愁

上音焦

徐樂

音岳棘矜

下音勤矜今戰柄棘戟也

嚴安上書

按本姓莊避明帝諱後並改嚴也安

及徐樂並拜郎中

鍾虞

下音巨鄒本作錄音同

上篤厚

上猶尚也貴也

下

智巧

謂智巧為下也

尉他屠睢

按尉官也他趙他也音徒何反屠睢人姓名睢音雖

舉陳

謂勝廣舉兵於陳音如字又音據恐疎也下同

降羌犍

下白北反又父逼反

略藏州

按藏州地

名即藏貊國也音紆廢反

燔其龍城

匈奴城名音龍上燔音煩燔燒也

形束壤制

按謂

地形及土壤皆束制在諸侯也

注纂

音撰

故倒行暴施之

按偃語吾日莫塗遠恐赴前途

不跌故須倒行而逆施乃可及耳今此本作暴者言已因久得中須急暴行事以快意也暴者率也急也

波

孔車

上戸交反按縣名在沛下車音尺奢反

太皇太后詔

按徐廣云此是平帝元始中詔

以續表後則又非褚先生所錄也

較然

上音角較明也

困於燕雀

按謂公孫弘等未遇為時

所輕若飛鴻之未漸受困於燕雀也是燕雀安知鴻鵠之志也

遠跡羊豕之間

按公孫弘牧豕

卜式牧

見主父而歎息

按上文嚴安等上書上曰公等安在何相見之晚是也

蒲

輪迎救生

按謂救乘也漢始迎申公亦以蒲輪謂以蒲裹車輪恐傷草木也且蒲是草之美者故禮

有蒲壁蓋畫蒲於輪以為榮飾也

史記索隱卷二十四